


詩

河西集

目







河西先生全集卷之三目錄

五言古詩

遊仁王洞次贈梁公燮

禪雲寺贈柳使君仁仲希春兼示接中

敬次陶翁李先韻示虎兒

十二月有雷電之變諫院中臺交章論列辭頗

切直中臺尤極精備喜而有詩

贈鄭吉元惟吉

送金師魯希參還鄉

護梅



庭梧

穉櫓

濂溪

雲谷

送閔著作

送羅典翰

世續

決獄扶餘

題養生書

林石川

億齡

第酬唱

四首

冬至

謝廉伯邃

宙

贈晦庵詩



送柳仲沂

洙之任沃溝

遇李伯喜

首慶

於完山館夜飲有贈時喜爲白

公

壽長

賜祭官過焉

雨中種菊

送吳祥之

祥

佐關東幕用李太白鳳凰臺韻爲

贈

次尹士栗韻

五日朝題

仲吉求詩

八日士栗得柳氏離騷於仲吉處示余余悲其



遭患哀而爲之詩

贈友人

醉鄉

送柳甥

景濂

歸覲鍾山

競渡

和止酒

以相思一夜梅花發爲題令諸君製之余亦隨

賦以示

贈僧

田橫義士



有所思

無題

次金上舍韻以下五十首別

題王諤山水畫

贈子長

贈寶訓

贈印岑

贈惠遠

贈尹坦之衡

贈金彥香



贈鄭士望

林典翰林亭呼韻

送李上舍遠期

永戊

四季花下感懷

西風

送信原下鄉

豫讓橋

楊仁父

誼求詩

晦往石所路得句既至足成之

送虎兒赴妻家



贈熙上人

偶吟

醉後爲詩示冲虛喜竒諸君

士遂見和又求再贈

寄接中

朴上舍還鄉求和諸上舍送別之作

李希殷

光輅

將向嶺南爲詩以別

金翔浩於竹下邀余

長官給酒數盆與諸上舍飲戲詠懷

酬士栗贈別之作



贈友人

贈李仲久

湛

柳君直

強項

家作

送周巨源

漢

歸鄉

贈同庚徐

翱

玉斧脩月

贈周居士

麟

贈靈雲師

贈李君虞

希益

題盧敬而懶庵

二首



題柳上舍詩卷

別仁遠感吟

擬製鄭參判別章

題寄金太容若默

贈雲水僧

贈微之二首

贈申國藩鎮

江原道歌謠

隋書

南上舍求挽其族姑



與裴參奉恕韻

以下二首增

遊堯庵雜詠



河西先生全集卷之三

五言古詩

遊仁王洞次贈梁公燮

語走莫及免論飛安用鷦巖頭此日醉忽忽三萬朝  
塵襟洗泉石詩思隨風飄整脫世上韉且詠遊仙謠  
對席不須言眼界真朗寥

附原韻

微哉南海鵬至大平林鷦昔人曾一笑千秋到今  
朝雲沉白日晚雪積東風飄無端起遐思悵望爲  
君謠瑤草睚居外霜空應沈寥



禪雲寺贈柳使君仁仲

希春號眉巖

兼示接中

薄言有公事上馬春夏易吾鄉近君邑有懷謀一覲  
馳書卽相問云向禪雲剎路枉勢有難臨程問南北  
屏營看日景欲去狀疑作佳期不可負振策越巘嶠  
一逕指清林禪宮傍溪石握手兩驚喜熙熙供一酌  
醉來卧閒窗頽狀到日白晚來開中堂畱連儼筵席  
濟濟縫掖衣漸階衍飲食主人所共事魯齋元莫逆  
座上數三公惟吾舊面目新知亦可樂李子最年德  
此會非偶狀日西未言別援毫強題詩相慰在朝夕

敬次陶翁

李先生滉號退溪

韻示虎兒



有苗或有秀鮮克有至實乃翁號爲儒亦徒以文筆  
人皆可堯舜非難勝一匹道實人共知非有他奇術  
革絲自能言席食別自七孝弟有知能矯質在溫栗  
須知性中間本自非有物

十二月有雷電之變諫院中臺交章論列辭頗  
切直中臺尤極精備喜而有詩

放勲患九漕商王愁七旱蓄積素已多民生豈遽斷  
旺功既無加常情猶可緩兢兢惕警予桑林親濯漑  
夙夜答天譴憂勤非止但蒼穹縱底豫退朕不自滿  
允恭敬日躋至和涵胎卵雖因君德明亦是臣忠款



都俞釐百工一德持廟筭敷教養中和學序通鄙鄮  
講習明人倫非惟安飽煖俛焉日孳孳理性敢自懶  
治隆兼俗美後世誰能續躬行且心得聖學當照管  
彝倫日用間大道自平坦幾微在所審實體戒虛誕  
存誠貴不息致敬如始盥提綱振萬目弊習何足懣  
鳬魚詠作人豈弟歌玉璫

贈鄭吉元

惟吉號林塘

君家先相公屹狀國柱石位望兩崇重所守終不易  
嘗遭巨猾猜几几行赤烏被召還京師都人手加額  
廟堂未復位精靈返玄宅惟應百歲後德業光簡策



貽厥豈無基久矣君子澤蒙養既有素粹美無可擇  
睭謨尚孜孜蘊奧期融釋一一理會過先難而後獲  
嗟余鹵莽久喜共幼安席切切且惻惻於焉得三益  
爲功忌中休理性無自畫吾觀古睭人工夫在純亦  
一念或間斷從茲分舜跖願言益自強盛年莫虛擲

送金師魯

希參還鄉

夫君蓄內美幾歲守衡茅慈闈侍衰病外慕久已拋  
怡顏致忠養滋味畱寒庖游都去年秋一舉展所包  
權知屈末僚客食艱薪爰恬狀處自裕謀道何嘗悵  
連環旅夢驚戒餐鷄鳴嘒嶺路冰雪饒栗烈冬春交



沙磧生新草  
專心慰倚閭匹馬揮長鞘童稚政候門寧復愁蠅蚋  
湖陰樓託禽曷日還舊巢空承雨露偏盈滿慙斗筭  
方當市駿骨竟未遺蒲梢種學益不懈進德依乾爻  
選士昔同年青衿秉東膠鴈塔更連名契志齊笙匏  
望子崑崙渠不惜收塘坳終期堯舜君所得均同胞

護梅

以下五首  
湖堂月課

愛爾林野質來契詩書堂結根沙石間歲晏多冰霜  
經春心獨苦夏旱傷亢陽條葉幾枯槁新柯秋始揚  
結草護生意庶無陰沴戕佇見粲寒英巡簷聞暗香  
嘉實未及標載包登舜廊濟味寧吾君萬壽齊山



岡

庭梧

庭梧何亭亭獨出羣木外方當綠葉萋有似張傘蓋  
清霄露華凝素景開氛靄隱映散餘輝境與心俱會  
別來遽幾何無由返羲旆狂風拉高枝金氣隨殘害  
但見實纍纍依倚惟松檜未辭奏南薰行看鳳羽翾

稚檜

牆角秀貞幹厥初誰所栽葱龍傲歲寒正直誰敢猜  
決意向青冥已似排風雷直到偃蹇時會充明堂材  
仍懷闕里植萬歲何崔嵬得非太和扶元氣與徘徊



想像時雨化遙思常往來免使斧斤侵靈根得潏培

濂溪

亭亭蓮花峯縹緲涵雲煙有水下發源數里行潺湲  
澄滾忽不測一作潭氣象多清妍適來舂陵翁寓目心  
怡狀徜徉愜幽期竟夕忘迴旋森森生岸樹下有龍  
蜿蜒臨風詠而歸雅趣存魚鳶悠悠故山溪取以名  
其川葺宇俯淪漪風月還無邊我欲一窮源邈矣難  
窺緣舒帙攬遺圖想望千載前

雲谷

閩中山水佳奇勝論建安蘆峯有幽谷地氣高且寒



林巒四環翠外密而內寬輕雲上多飛搖裔如賀  
緣崖攬葛藟攀躋何其難碩人此誅茅棲遲吟考槃  
卷懷坐一室境靜神逾完當年講廟處堂室畱門闌  
惟應舊行逕桂樹青團團終狀仰高山有懷難容彈  
送閔著作

我家湖之南渺渺天一方白雲望不極指點終難詳  
結髮事儒術負笈尋山房芹宮十載餘促促不遑將  
方當喜懼年忽爲名所韁徒狀負國恩不見輸粃糠  
強顏羣彥後九牛一毫芒惟懷某水丘夢裏時徜徉  
連環幾見把草屋依疎篁比聞君外舅別業連吾鄉



一  
朝去不返旅魂多悲涼惻惻未亡人幼孤難從喪  
君爲法所拘係戀空彷徨上蒼忽啓路回家旋聚糧  
川原吾可數風露惟恐傷陽城限畿甸兩湖分礪良  
葦嶺當前頭鶴髮居其傍安得隨君去去去瞻高堂  
還須報永嘉風味無肯忘字撫心政勞何以蘇饑荒

送羅典翰

世纘號松齋

決獄扶餘

眚人司教化導養無不至云何一么麼蟬螻堯舜治  
犴獄有可疑讞議莫容易儻是實有辜決枉難赦地  
南江白日晚草草空相視有酒酌僂可吾儕盡言志

題養生書



若論保生方第一固靈液心思勿妄勞居止有常則  
食飲或不節疾疢從此入勝私復純乾行天應地濕  
不老凋三光非惟百八十

林石川

億齡第酬唱

出門有所適悞入華陽洞詩仙在此間一壑間雲擁  
庭空斜日明松老寒聲動浮生三十年汨沒塵埃甕  
有心不自治無名非疾痛赫狀方寸明紛紛幾蟬蛸  
杯觴乍瀾漫詩思方騰踴聊將寓歡娛日月閒賓送

附原韻

林子一病翁幽棲大隱洞無人扣竹扉布被午猶



擁之子遠來尋使我幽興動何以助豪逸新醅滿  
寒甕平生剛制之此夕飲之痛白日忽西沉高燈  
吐蟬竦皇天要佳句寒空明月踴不知夜已深長  
樂疎鐘送

其二

軒軒石川翁豈是塵中人風標夙所仰一笑未易親  
僑居華山隈日與雲松鄰我來值雪後剝啄寒澗濱  
呼兒邀暖室詩話閒相陳開堂喚斗酒吟嘯怡心神  
窻櫺暝色至松韻諧韶勻醉罷上馬歸誰知此味真

附次韻



河西冰玉姿餘輝傍照人世人那得友乃與迂叟  
親相携對雪月大嘯驚四鄰雖居城市中何異寂  
寞濱琴書左右列酒壺當中陳把酒雜醒賢落筆  
驚鬼神得失付塞馬榮枯任天勻富貴非吾願畊  
巖追子真

其三

酬酢淺深杯唱和長短吟此間有真意誰人知大音  
仰面發一笑靜聽松風琴

附原韻

霜風吹古松萬壑皆龍吟人間方入夢其誰知此



音我與河西子把酒彈孤琴

其四

不待剡溪船來訪山陰戴有詩吟可和有酒酌可對  
閒愁頓滌蕩塵累融查滓爾來苦沉酣累日長病肺  
腰間兩寶劍是夕生光彩圖南慕鵬搏覆杯憐舟芥  
散髮嘯天風誰哉知我輩

附原韻

無人吾卧雪發興君訪戴晴雲照遠壑正好相與  
對小槽新釀濃不妨猶帶滓一杯發陽春和氣生  
肝肺層陰結遠空落日無光彩大嘯振浮雲虛名



等草芥此樂只自知莫使傳兒輩

冬至

天地正栗烈窮陰方閉閤葭灰發陽管一夜動生意  
洋洋造化機妙處難擬議神功鼓萬象端緒如可視  
觀來乍有得靜想迷道器陰陽互升降至理何嘗離  
妙合自無間真精無假偽循環亘萬古專一而直遂  
流行既不息定分有常位生生好並育隨處均付畀  
大哉天地心爲物還不二旺人首庶物父天母其地  
念念戒間斷幾微在敬肆緝熙立大本從容應萬事  
善端自綿綿無爲國自治至誠靡不通爰及霜露墜



謝廉伯遠

宙贈晦庵詩

晦翁我先覺有德而有言尋常咳唾餘豈伊枝葉繁  
雍容賡載歌妙處同淵源出入雅頌間潛心宣父論  
慷慨楚人詞優游陶柳門旁采名一作諸家粹研磨斧  
鑿痕艱澁及巧麗詎敢窺牆垣平生千萬篇磊落堆  
璵璠當時有不收泰山一毫桴武夷溯九曲齋居原  
昆侖年來幾詠嘆企望嗟吾惛恒思編其全盪滌融  
神魂徒狀想聲韻寤寐終不諼故人知我者有求不  
我煩開囊持贈余入目便清溫日星高照耀山河卉  
木蕃居狀百官富益覺朝廷尊逝將會萬殊循循窮



一原文章特末事神鑑要不昏吾儕儘狂簡此義期相敦

送柳仲沂洙之任沃溝

南路繼飢荒瀕海爲尤急宰牧亦何能烝民無一粒  
新舊不相保公私行赤立朝廷今送子子去恐難及  
吾聞君子心濟物惟汲汲不中亦不遠何勞致安集  
前人已行績隨時爲補緝通都尚可活矧伊十室邑  
高堂喜孔邇魚蝦從可給時歸供甘旨兄弟相與翕  
忠養莫如此一室和氣襲伊余晚托契縱未同負笈  
名聲久相熟會心在一揖爾時接鄰里行祛且屢執



仍愁自茲分道里繇百十綴此寫別懷其奈非佳什

遇李伯喜

首慶

於完山館夜飲有贈時喜爲白

公

壽長

賜祭官過焉

昨於月浪邑聞君行至斯崎嶇越熊嶺百八盤逶迤  
路逢府中人問之兼信疑日午抵客館爲子仍躑躅  
程期不可緩強坐倒漉卮青燈夜未闌惜別情無涯  
明發各南北茫狀空爾思

雨中種菊

種木當種松種花當種菊松畱四岢春菊稟中央色  
幸我以病歸田園頗自得

一作謝局東

寒移北嶺稚雨分



東籬綠千年霜雪  
千秋風襲晚馥  
且釀中山醪采采  
泛盈掬

送吳祥之

祥

佐關東幕用李太白鳳凰臺韻爲

贈

送子之關東想像鏡浦臺海雲蘸空晴萬里雙眸開  
時逢綠髮翁霞佩相往來秦家童男女到此俱忘迴  
亭亭楓岳山高標凌上台何人駕綵鸞靈液傾千壘  
適我病淹留未把論心杯寒松掛素月玉洞深蒼苔  
臨分欲寄語征旆何須催

次尹士栗韻



黃昏拆一封數行情更多窓前有明月燦爛星與河  
知音隔千里誰與奏洋峨賴有一雙鯉遠寄南來波  
離愁縱少慰奈此不見何青燐一點燈對我苦吟哦  
聞君有遠行往送恨無騾將詩以爲贐語艱聲律訛  
且願慎霜雪發軔須日和

五日朝題

滄江夜月黑雨脚如亂麻茸草僅可庇厥大猶踰蝸  
局縮不容膝曷足爲之家淋淫勢未已駢首空咨嗟  
假寐暫成睡魂夢何紛拏三更北風起怒濤相交加  
枕衾寒惻惻澎湃煩魚鰕繁雲乍捲空一天星撒沙



崖滑大石崩轟騰似轉車狂奔落水府轡轢鱗與鯢  
翻愁碣磈墜及余口皆呀平明競起視尚存欣吾蛇  
山光濃畫圖簞文江上斜沙平潮未落冷氣侵蒹葭  
驚鳬忽掠水去去終我遐僧來有過謁兩手還交叉  
前村吠犬聞何處來啼鴉長懷宗慙風遠志漢使槎  
寓目盡山水接興皆煙霞箕踞縱大筆散髮何髣髴  
我昔泛金灘再抵洛之涯乘波厭經涉水路紆以賒  
時時值風雨夜寤同麀麀蓬窻苦點滴激船飛浪花  
沉吟達明發百感來相遮飄飄竟何事此身非匏瓜  
泛如不繫舟沿洄四方些今來復遇此江行安足誇



江表志卷之四  
譬之客千里辛勤亦有差白日忽翻光景物清以姤  
褰衣上峻坂引手攀槎牙俯睨一江水涓然真石窪  
仲吉求詩

聞公入名山頤神守真一人間百累纏豈得自暇逸  
長風生杖屨不待婚娶畢舉足踏雲厓沓嶂橫翠密  
雙雙白鶴舞鼓翮弄天日嘗看幽谷中採有千年木  
風霜成歲曆草木記甲乙不羨桃花源非論二叟橘  
自可鍊精魄何事飛騰術寵辱與聲利紛狀競得失  
丈夫立身地不在處與出達則任公相窮則卧石室  
東華軟香土爭似幽貞吉宦海多風雷驚波幾蕩溺



忍辱不知止局促甘婢膝投身一失所性命遑有恤  
妻孥庇不暇詎足榮弟姪韓公嘆險巇柳子擬如漆  
物情互翻覆世路固多窒傷心賈傅鵬誰憫子臧鵠  
歌齊苦飯牛談晉勞捫蝨獨爾遺囂煩快投宗生筆  
曠蕩無何鄉渡落五石實丹丘仍羽人追陪冰雪質  
逍遙摩天遊斥鷃何足詰山猿喜緣柯人居則惴慄  
江魚樂沿波民處爲偏疾乾坤同一指萬物同一律  
相忘道義中此樂誰與匹兀然天地間無意亦無必  
長嘯送萬古氣像何宕跌嗟余落世網一身困蓬蓽  
愧未踵高躅相將隨羣律機心欲何俟莞爾令自哂



八日士栗得柳氏離騷於仲吉處示余余悲其  
遭患哀而爲之詩

離騷古屈原憤懣而有作行吟澤畔苦飄蕩魂焉薄  
君子誦其詞隔世宛如昨哀哉柳氏姝有心予忖度  
早年服義方事事循矩矱慧心固不學詩書兼禮樂  
奮筆振詞藻萬象供酬酢班姬與大家氣味遠相若  
閨房幽且淡性質何綽約天爲解拘束使益詩思廓  
半窻發炎光門前一星落六丁來追陪駕以洞天鶴  
煙霞越千峯風波凌萬壑儼狀百神會臨風放笙簫  
丹漿薦玉醴靈液盈觴爵有羞憂何有炮鳳而龍臚



崢嶸開目闕縹緲褰珠箔騰騫九章履醉舞歌或罵  
天堂及地獄慌忽難指托賢人受快樂有罪施剝斫  
西胡特設語本以警善惡欺誑億萬載末流多穿鑿  
冥迷或有見豈非心是錯幽明一歷覽六合窮着腳  
怒者不知誰超遙非所樂忽焉望故鄉掩涕心漠漠  
悠悠來往間聽者皆錯愕訛言日騰布美金因口鑠  
亦是造物猜劇戲終爲虐金剛山萬丈玉立天所削  
秦皇求不得樓船困童弱巨鼇扑不傾山人頻抵鵲  
鯨濤費搜缺地軸根磅礴豈惟神仙區竊恐天帝郭  
嶺岼人上慄有來足躩躩翻身一轉眼倏然凌廣莫



不是天與力逸迹寧缺泊慈親不欲出鎖紐堅鐵索  
仙官屢扶去詎益於纏縛傷心失所怙拔血多慚忤  
引分欲自決倉皇飲鴆藥神明共護持豈許空投閣  
眈眈既去耳不煩篋刮膜齒舌豈終噤蹇步能前却  
鼠肝與蟲臂鑪錘休踴躍求之命也夫吾請言其略  
支離墮隱齊任他無住着亦得終天年餘裕其綽綽  
翻覆看浮雲伸屈譬尺蠖姝乎莫有憫萬理推以擴  
酒食惟是宜績麻勤蠶箔樂天以知命事了蓋棺槨  
長歌詠新篇文艷何宏博庶幾諸君子由吾以斟酌  
一寫雪溪冤無乃其糟粕



贈友人

我於世味薄情名不相似素心山澤間自許放浪士  
托迹蓬萊宮強顏慙不次怒者不知誰引過不自己  
匆匆前夕晤玉音今又至宛然談笑間從容几案侍  
夙契實已深相知無表裏收材錯散櫟相馬遺良驥  
生平經世心事業稷契比優游文藝苑俗學良可鄙  
淵源沂曾思議論輕予賜霸功耻權利王道談仁義  
屠龍會有效豈同雕鏤刺未卽馳往謝先報相思字  
卅角枉茅簷采芹同泮水終垂不遠教念之真有是  
只今片雲中却恠千里易我行亦非難但恐煩閭里



往扣健中門從可相奉矣

醉鄉

醉鄉去中國不知幾萬里物俗太淳龐無非亦無是  
包涵混元氣浩浩通表裏周流六漠間優游於太始  
萬古占長春意態真嘉美翻嫌入跌宕轉使人驕侈  
孔眎不及亂不可同日比顏瓢與曾歌得眎遑念彼  
南朝八達稱每傷名教毀

送柳甥

景濂歸覲鍾山

歲律欲云窮行子涉霜雪關河一何迫艱苦那容說  
爲子酌盈觴一語腸九折松筠梢蒨蔥儼立守嫵節



持此瞋夫君君心寧不悅

競渡

五日是何日王孫投汨羅蘭舟結桂旗汎濫凌輕波  
思君不可得日夕驕黿鼉悵望愁極浦水碧山嵯峨  
靈脩初見珍荷製帶女蘿馳驅道先路蹇蹇排羣邪  
忘身只爲國指天心匪他直道果不周離騷哀怨多  
江南竟夷猶郢路阻山河來者不可問天道終如何  
蹇產萬古思攬涕空懷沙至今有遺悲迢迢漁父歌

和止酒

鳥止止丘隅人當知所止動止日用間靜止方寸裏



仁敬止君臣慈孝止父子事物各有止得止斯可喜  
食止於充腹寢止於晨起君言酒當止止酒亦有理  
一止渾憂樂再止忘人已一一止於酒此止我知矣  
不止未爲道止道無涯涘永止醉鄉中奚止千萬祀  
以相思一夜梅花發爲題令諸君製之余亦隨

賦以示

美人不可見一去何當迴別來閱星霜鏡裏朱顏摧  
姮娥盈又缺寸恨終難裁壁間綠綺琴絃索生塵埃  
極目望山河冰雪空崔嵬遙夜不成夢搔首起徘徊  
宛然巧笑嗟忘却窻前梅精神忽交通青眼爲君開



參橫月又落翠羽驚毳毼間愁復撩亂茫朕自生哀  
且就此花下酌彼黃金罍

贈僧

無心自不可達心渠敢爲真源會方寸物則民秉彝  
虛靈出妙用寂感惟其時萬變在酬酢庶事皆得宜  
殘形絕人倫與世專相遺觀空有何得死灰終難吹  
何如立敬功本立而達支歛之小無內推之六合彌  
萬殊共一分敢以吾自私動靜不可偏玄默非吾期  
他年一相見排訐君何辭

田橫義士



君侯抱耿光奮起自諸田羣雄逐鹿日唾手橫戈鋌  
何圖馬上翁乘龍而御天拂袂入海島滄波天接連  
念昔始舉兵與彼相並肩豈可更屈節甘心服驅牽  
刎頸謝使者白日凝寒煙同行五百人魂骨俱坑填  
餘風尚凜凜舉杯哭墓前

有所思

君年方向立我年欲三紀新歡未渠央一別如絃矢  
我心不可轉世事東流水盛年失偕老目昏衰髮齒  
泯泯幾春秋至今猶未死柏舟在中河南山薇作止  
却羨周王妃生離歌卷耳



無題

佳木涵元氣亭亭揚遠枝上承日月光雨露繁華滋  
仁風振海宇萬類方怡怡風霜忽飄薄直幹還摧萎  
衆鳥聲啾啾飛飛何所依黃昏暮雲起霖雨來霏霏

次金上舍韻

以下五十首別

竭來大學中相從四方傑悠悠苦鶩緩思齊何可及  
自幸不我棄惇惇與福側周旋揖讓間進退矜佩列  
殷勤規五倫僊勉箴四勿千蹊與萬徑所造終須一  
聯翩鸞鳳友馥郁芝蘭室吹竽謾混真倚玉空慚拙  
新篇忽落手舉眼欣有獲臨分報一言且慰離懷惡



題王諤山水畫

我從大學來寓目喜山水飄飄雲外興不覺落城市  
蒼茫煙樹間欲問道所以二客獨何爲相從澗之涘  
依迷若耶溪髮想雲門寺自笑放浪志悠悠醉夢裏  
願御列子風冷然遊太始

贈子長

軒軒晉陽子凌厲秋天鶻差差齒牙間快劒鋒刃白  
時時與相對使我心膏豁今朝要我言一語吾何惜  
但從比日來詩腸苦蕭索非君情義淡何以事文墨  
念此湖漢間相去將十百會面良不期歡娛時易失



形骸縱參商肝膽自相徹別後吟吾詩庶將爲面目

贈寶訓

不向剛泉久尋朋到此年山僧見我至酒食屢開筵  
醉來發狂興筆下風雨顛爭持卷軸來戢戢動盈前  
會當囊倒時又值欲回鞭匆匆何以贈對案心茫狀  
儒釋固殊途所修有正偏但比形枯人汝教差似賢  
雖狀邪去邪竟未絕身緣有如負蝨蟲任多終不捐  
悠悠付一笑仰視蒼蒼天清晨細雨斜好鳥啼檐邊  
渠今已忘我別袂莫須牽

贈印岑



剛泉雪中寺伊我來讀書清晨有僧來云住白巖居  
無心雲出岫偶此駐行裾袖中三道印一紙官所除  
隄防大項流有助生民間乃是祖姑孫爾當兄稱余  
何爲早飄戾至今不見渠吾聞西方教差等無親疎  
雖狀再從親豈與行路如時時可來訪其無相舍諸

贈惠遠

廬山聳九疊高標凌蒼蒼巖竒壑更幽瀑布遙相望  
香爐最圓秀五老爭昂莊仙人酌玉杯桂樹橫石梁  
東林誰所住一卧經十霜高士時來過荷製聯霓裳  
潛心問道時已歷虎谿傍相看笑相失塵霧兩茫茫



何年來止茲東海浩洋洋飛錫不辭遠浮雲無定方

贈尹坦之衡

洛師一分手又別參禮坂悠悠已及期今夕相逢晚  
昨拜員外郎兩晨承繾綣青燈秋夜闌凍雨蒼山遠  
城南更躊躇奉別情哀哀因聞君在此爲駐征驢蹇  
堂高眼政豁日暮同息偃匆匆一夜話意長猶未穩  
何堪復回首歸程礙疊嶺所期在九秋青雲共推挽

贈金彥香

昔遊錦城隅盛會平生最結交百餘人入室芝蘭藹  
分携向十年悵望雲天外何期院路中遲疑失傾蓋



今來更把手忽忽終無奈征鞍轉眼頃去如流水沛  
迢迢江海際短章擬縞帶

贈鄭士望

秋風漢之北華岳金城下清晨故人家綠酒杯頻瀉  
相分已八年記得龍城夏當時廣寒樓盍簪皆儒雅  
從容樽俎間絃歌傾玉墀今來兩邂逅對面各司馬  
憂念且睽携嫌他相遇寡湖西風露稠逼冬霜滿民  
之子倚新恩青春入陶冶堂前效綵舞勝事不可捨

林與翰林亭呼韻

遇境已不易陽春時又泰巖壑不帶泥幾年風雨汰



攀緣俯絕壑幽鳥驚冠蓋恨無一線瀑龍懶從誰巧  
滿座蒹葭蘭薰孤陋慙蕭艾觴詠寄清思斜陽林木藹  
回頭睇六合汗漫超埃壘城中足花柳遠山飛暮靄  
學士不停筆詩味跨李柰喘汗久縮手欲追還無奈  
且可論氣味何嘗較小大不須天台遊始覺去馬害  
白雲可爲衣青蘿堪作帶吟成連卷軸錯落堆象貝  
笛聲助詩興狂詞卒湧霈却幸今日歡初皆以文會  
市朝自有樂何必江東膾平生丈夫心落落看松檜  
俛仰懼陳迹掇拾還我最

送李上舍遠期

永成



槐市昔同遊追隨喜高騫好古尚議論激懦忝推挽  
區區蓬倚麻服子蘭盈碗所居恨不邇何常共息偃  
分携閱幾時一話未曾穩春暮涉芳園相逢日易晚  
爾後更踈闊寸步踰壘巘此行忽不意路指湖山遠  
嘗聞有舊業于彼洪之阪川原政相連風日媚婉婉  
矧伊海陽近音書可屢反且承方岳賢信遇應相懇  
協心布惠澤革弊固邦本送子漢之曲別懷空繾綣

四季花下感懷

牆頭四季花栗也手所植人逝物隨萎芳姿久寂寞  
今春發青芽忽驚三四萼柔條漸盈尺續續吐丹渥



浮生落何處一往不可復清閒出塵趣萬古九原隔  
已矣可奈何沉吟更歎息

西風

六月上旬前

夏月空南風西風吹作惡掃破欲雨雲天宇轉寥廓  
白日暴光耀百物皆銷鑠生靈仰嗷嗷何處施錢鏹  
正當長養節平分四時各恠茲秋令侵何遽來相薄  
夜來更淒淒涼月照樓閣草間唧唧聲聽此心蕭索

送信原下鄉

江樓長風吹樹木搖清陰勸爾一杯酒飲此無窮心  
高堂景遲遲倚門望日淡旋歸奉甘旨溫清供衣食



我實懶慢儒何計隨冠襟無能苟因循歸夢飛舊林

豫讓橋

讓也事三姓發身似無賴終懷國士遇立節一何大  
塗廁事未遂淒炭行啞癩室家不相識適與親朋會  
事勢有甚易胡爲此狼狽委質且不可二心庶有艾  
伏橋氣奮猛七首光照外駟馬驚踴躍趙孟忽無奈  
殺身以成仁義聲千古藹

楊仁父

誼求詩

我自湖南來見子在京洛心淳而氣端不事華靡習  
往時縱相遇未得同棲息卒卒只見面知之但表襮



今春館東齋優游一兩月交契良尋常豈惟兄弟爲  
山河一千里勿勿說離別江東與渭北相看淚欲滴  
晦往石所路得句旣至足成之

春山多雅態一一欲媚人橫雲漲半腹露出皆精神  
浩如波翻海滉漾迷涯津青松霧餘沐細路蟠嶙峋  
推馬步蹌局崎嶇艱側身登危瞰嶺陸大野平無垠  
古堞緣半岡俯瞰清江濬行行抵水頭風颭波龍鱗  
巖尊隱熊虎岸沙明如銀輕鷗泛澄碧弱柳搖陽春  
嵯峨伐老石巉鑿誰貞珉陽崖見冰雪造化涵靈醇  
鑪錘熾如炭烈焰薰高旻魚龍驚踴躍鱗鬣揚清淪



扁舟扣日暮蕩漾恣所循林巒漸暝黑鴈鴨翔轉頻  
鷓鴣宿高木叫號驚遊人江風忽云暗歷覽頗未伸  
把火照石逕屈曲行逡巡古刹不知年壁宇埋荒塵  
房櫳剝塗飾奴僕鋪衾茵問君早來此經過免苦辛  
盤蔬失烹飪陟降勞荆榛淋淫苦泥雨陰曠連昏晨  
非緣飽山水何以供吟呻昨來逢晴霽方將治釣緝  
潛腥拔千丈一膾亦足珍夜半或有見斷麓奔驚麇  
強弩若一發應矢膏燔薪聞言我掉頭此語休更陳  
臨湏釣巨鰲射落九鳥跋男兒此奇絕餘外徒紛綸  
相將拍手笑孰知興味真榆枋笑九萬朝茵疑大春



今吾得與子上下窮崖濱江山與風月果孰爲主賓  
魚蝦作朋遊麋鹿相與鄰春禽鳴碎玉旭日回朱輪  
山鵲及村鷄迭唱和而新嘲諧雜鳩鵲或喜或相嗔  
百昌各抱生似娛逢良辰皋蘭已茁芽辟芷行可紉  
野情得自由樊籠難以馴我詩恠又煩搔擢疲牙唇  
強題要君和紵縞同其倫

送虎兒赴妻家

雪片夜飄飄旭日明寒憊病夫掩關卧氣鬱難自降  
兒行當此時遠越赤城江往哉空爾室勗學勵其養  
贈熙上人



熙師昔來謁屬我憂疾日手持學士敍看之未措筆  
雨露草滿地怛焉心內怵尺素墨未乾人間忽相失  
灑淚強悲吟草草情難悉九原不可負潸懷憂憶慄

偶吟

火日尚畱暑金風時報涼蟬聲暫欲咽樹葉撼以揚  
啼鶯復何爲失意繞枯桑點點白鷺下水田稻半黃  
飛飛雜鵲鵲與之相頡頏巨堪鵠鳶羣恣飽還高翔  
物情苦不一歲月如風狂莊生實誕妄太山齊毫芒  
朗狀發高嘯白雲橫宗岡

醉後爲詩示冲虛喜奇諸君



日暮天微雲涼風隨意吹橋頭柳影疎可以舉酒卮  
湖南各異鄉邂逅良不期輕波蹙細紋魚鰕漾淪漪  
杯盤乍狼籍詩思何蕤蕤殷勤一醉餘肝膽輸無遺  
陰陰山霞靄浩浩攀樛枝筆下字顛倒滿紙蟠蛟螭  
舉杯謝諸公秋涼新入衣

士遂見和又求再贈

君詩落吾手造次風雨忙論交是天倫不言忘不忘  
只愧木瓜投見報以瓊章殷勤寄寸赤告諭盡其詳  
諷玩有餘味再嚼逾始嘗于時月政望皓色通圓方  
寒空桂影孤掃却浮雲狂談諧對此夕語笑成一場



青燈兩三點冷焰風飄揚悠悠紫陌塵幾度來劉郎  
晨暮鼓逢逢累累煩隨行詩書置莫閱遊戲東西堂  
公狀浪度日刺口談義皇但不狎頑童安走鬪鷄坊  
欺已實自笑言之言更長又欲出別語百端縈中腸  
相看獨奈何坐待清曉光勸爾一杯酒把手聊彷徨

寄接中

病夫掩關卧三載于今茲尋常怯出入一室聊自頤  
諸君且小試會課來祁祁召伯按州部眷焉絃歌治  
屬望豈徒爾斯文方有期遽餘愧懶拙竊觀非所宜  
蓬心猶覬豁晨夕思相追暫動疚輒乘悵望將奚爲



室中有薄酒鷄狗隨魚肺躬訪已心約談論仍可資  
下堂傷未瘳陰雨重相欺空懷竟不果良晤成差池  
衡門欲掃迎泥水妨淋漓孤吟阻咫尺婉孌羣玉儀  
朴上舍還鄉求和諸上舍送別之作

濟濟齋中士各自異鄉人風雲一朝會變化成一身  
京都時日久素衣蒙緇塵窮寒苦同調豈啻骨肉親  
長吟起清飈綺語發陽春得句喜相和有懷期畢陳  
今來忽告行別意何酸辛恟恍若自失茫狀夢耶真

李希殷

光輅

將向嶺南爲詩以別

希殷性蕭散氣格出風塵筆翰追鍾王瘦勁通靈神



鄙夫忝一榜相從曾累辰論文與吟詩對面情日親  
又聞同丙子月日後於巡呼之弟與兄結契尤殊倫  
寒燈幾共剪偶坐忘昏晨青尊有相就皓月同岸巾  
喧譁雜俚語戲劇任天真悠悠嶺路脩忽爾南北人  
天長滅征鳥海濶無歸鱗沈愁共此夕音問何由頻

金翔浩於竹下邀余

今代金翔浩前身王子猷生平愛看竹有癖不能休  
瀟湘數莖玉幸茲北牆頭君來有時就邀我以共遊  
摩挲二妃血怨恨畱千秋舉手弄輕梢葉葉風颼颼  
金烏影婆娑搖曳侵衣裘蕭森儘精神飄灑益風流



翔鸞今噦噦彩鳳昔夷猶行將調玉律樂矣夫何求

長官給酒數盆與諸上舍飲戲詠懷

京洛逢新正家山入夢思城中百萬家出門無所之  
周庠人漸散庭樹聞寒颼沈吟坐擁爐灰殘未堪吹  
蕭然似野僧寂寞心自知惟我兩三人萍水誰先期  
風塵一執手客遠已多時鄉閭歲之吉親舊相追隨  
舉觴壽耆鮐鶴髮成童兒怡怡戶庭內極宴而歡嘻  
惠氣和春陽翕翕淪膚肌良辰隔千里布衣空淒其  
役役逐浮名辛苦欲奚爲鉛槧煩點戲歲月坐差池  
男兒喜漂轉古今同一規寒食襄陽路九日茱萸枝



明年更何處兄弟遙相離寒燈獨不眠又是唐人詩  
羈心劇懸旌引古寬嗟咿悠悠抵黃昏斗酒聊自持  
微醺一睡後天地棄不疑浩爾達明晨誰知權與悲

酬七栗贈別之作

別離動經時相從只旬朔離愁每有餘宴娛恒不足  
何曾一歲間半歲共寢食此行亦偶狀自擬久相樂  
佳期復誰猜暮雲驚渭北飄飄動征袂惆悵空何益  
天長兼水濶鴈短直無力幸是魂夢中時時慰遠別  
相思不可期相見知何日青山子影孤客路吾行獨  
相期好珍重千金未宜忽江湖嘯詠間錦囊儻有得



因風不憚煩送我他日夕

贈友人

人生信可笑世事難究詳一入是非間紛紛何可當  
夫君最無妄特負少年狂居狀費青鳥一札驚鴛鴦  
家尊怒方急失勢仍蒼黃鞭笞莫容貫窘走循階牆  
嚴威不自聊狼狽頻顛僵堪嗟父子恩一夕相乖傷  
僦勉去庭墀恐懼重彷徨傳聞閭井間小民爭毀謗  
聞聲未審形萬口何唐唐念君將一身觸地生刀瘡  
君言我有愆觸屏迷義方行身自不謹放意成怠荒  
誰知事至此千里差毫芒上累大人慈憤鬱戕元陽



下失立身資罪責盈州鄉明明戒在心誓死金鐵腸  
毋耽面如雪甚熟無近桑爲君發一歎贈言君不忘  
男兒處一世險苦何可量松栢慣風霜始來扶明堂  
皇天欲大用疹厄真所臧益守金石志無爲窮隘妨  
詩書效鳳墀令名終一揚

贈李仲久

湛號靜存齋

生旣同一年榜又同一年况同進士榜四五名相聯  
以此益相親想應君亦狀鄉關遠京邑一別如箭絃  
時時或相值未得窮歡妍雖同泮宮居各自東西偏  
相隨浩爾爾晤語豈能專由來君子交澹狀金石堅



敢以面目疎，優將心意遷。惟余性慵惰，懶把槩與鉛。  
謂茲情義淡，默焉而已傳。何須撫粗迹，屑屑形詩篇。  
感子曾見求，鄙懷聊一宣。

柳君直

強項

家作

吾來兩亦來，峽神如有意。聲喧松外溪，綠色已滿地。  
愛好數枝梅，飄香入客鼻。

送周巨源

漢歸鄉

沃川吾所歷，山水秀以幽。魁竒必有鍾，文士多名流。  
周君是其侶，眉宇揚清眸。登名添一榜，傾盖如白頭。  
相從數二月，交契淡同稠。肝膽兩自照，中孚非外求。



蓬萊不可期別恨忽相樛洛師愁住影湖路回舟轉  
遭逢復何處日暮空遲留

贈同庚徐翱

白髮此垂領友生猶勸仕龍鍾更何爲僊勉惟待死  
且把一杯酒相持棠井子

玉斧脩月

廣寒九萬里何人上上頭風雲正浩渺一輪無停輶  
圓光自盈缺不容斤斧脩桂樹謾相似蟾兔真謬悠  
當年嵩下老亦是好事流誰云太陰精七寶同雕鏤  
可笑襟中物偶爾驚塵眸八萬二千戶茫茫何處求



贈周居士

麟

南山八月初雨後天氣新有客扣我門行年七十春  
鬚眉皓霜雪氣岸離世塵快談劒鋒白一聽蘇心神  
云本森溪周歷世光城人鳴陽大牙地蜂谷清溪濱  
縣小民苦稠活計何酸辛思移頭流洞嶺路阻蹄輪  
思耕德裕麓湖西非我鄰偶過七友堂誅茅依至親  
雲巖洞壑幽白蓮山嶙峋荒田將百頃墾之可濟貧  
時登鷲嶺臺庵窟羅星辰上上竊絕頂西海無涯津  
舟行可指點羽化思騰身雜以儒釋說出入無生因  
以善爲可行切切多敷陳將期效芹曝一獻之楓宸



或爾不能得策杖從吾真金剛玉峯列妙香凌蒼旻  
西迴九月山甘露臨海濬雙溪訪舊遊八詠臺輪囷  
行看下青鶴銜苔浴清淪依狀玉笛聲相揖洞天賓  
爛柯千甲子回頭如隔晨

贈靈雲師

我來遊蓮臺殘暑尚未退醉睡一枕餘神氣何昏憤  
僧携逸庵文宛轉如相對念此題贈年于今已數載  
時吾亦垂翅撫已頗慷慨爾後相遇疎音書且屢廢  
依狀見元賓磊落傾肝肺往復千餘言雄奇多變態  
可以快余心看渠陳稷粲



贈李君虞

希益

一路百里餘悠悠不相見  
眷糧洛水涯始得逢顏面  
相逢且草草別又如絃箭  
時時遊太學春鴻違社燕  
人事有如此百年風燭轉  
且可付一笑無爲兒女戀

題盧敬而懶庵

我性本喜懶今來逢懶庵  
相看不須問况此興方酣  
詩吟懶且尋酒醉懶不堪  
坐來懶不起眠來懶益耽  
吾嘗持此久立世恒懷慙  
何幸見君子一席同笑談

其二

初來爲晦堂不意從懶庵  
怡怡面目間未醉已先酣



相將詩酒歡情趣還難堪旋憐富貴人而以文史耽  
我實踈迂客廁坐顏發慙但得醉中詠聊以供宴談

題柳上舍詩卷

粲粲三珠樹共生金海濱相將倒家釀醉入青樓春  
諷詠嶺頭月詩思梅邊新怡怡一堂內友愛是天真  
袖中滿卷詩璀璨羅珠珉最喜羣季俊皆爲惠連倫  
何況謝康樂風流無與鄰一飲傾千觴萬壑爲之貧  
吟成幾許篇跌宕超風塵三冬謝文史一榻同苦辛  
春風泮水橋柳岸綠初勻折枝以爲贈重歡在何晨

別仁遠感吟



山前送將歸春色初入柳相將抵日暮痛飲樽中酒  
各以異鄉人寒齋同處久今君先告行別恨益難斗  
我親在高堂連環夢在手何日奉晨昏看君益搔首

擬製鄭參判別章

天王重東藩詔使年年至朝廷嚴禮數不可非人使  
夫君應此選時望推風致專對昔罕存百年仗忠義  
冀北古帝都萬世唐虞治如今盛文物縹緲懷往事  
關河舊行路想我經歷地壯遊襟抱曠可展平生志  
請看吳季子觀周知樂意

題寄金太容

若默



別離思轉苦相逢還忽忽匆匆不盡懷鄰家當倉卒  
亦言未遽別斯須分楚越雨水阻歸程咫尺畱數日  
可望不可見明晨又戒轄杳然佇孤蹤吾誰與言說  
羨子歸去好親朋接門闌

贈雲水僧

雲虛水亦虛物性亦如此一爲形氣拘一爲私欲累  
去去不知返茫昧本始方寸固自如昭昭涵至理  
善端有發見推之止其止從龍神變化逝者無時已  
動之以無私試看雲與水

贈微之



淳古既云遠千年大道微功利汨頽波百家荒是非  
經存秦火餘濂洛揚光輝後來相繼作昭狀明指歸  
有欲泝其流何恨無因依知行貴並進善惡須審幾  
闇狀而日章睚知非難希陽春煦萬物曠懷入清沂  
臨分一盃酒柔翰聊復揮

其二

山川風露苦毛羽稻粱微翰墨身將老經綸計亦非  
罇醪漸欲醉燈火還相輝一夕論吾別他鄉送子歸  
殘花紅軟軟細柳青依依會面諒不易夢魂其庶幾  
休言交道淡自是大音希豈屑由之瑟恒存點也沂



離詩且一詠別淚不須揮

贈申國藩

言交不在舊傾蓋復相親  
提壺明月下慰我湖海人  
醉後各分手心懷要受陳

江原道歌謠

關東形勝區川原連海嶠  
相公此按巡一路仰風調  
衣重御爐香舊贊銀臺詔  
睨上念民瘼往汝周家  
召甘棠處處陰原隰生光耀  
幽明在一別清鑑無遺  
照惇羸感摩撫頑悍聞震悼  
菁莪眷中阿載色而載  
笑小子欣有造螟蛉咸願肖  
朝廷暫試外勻軸須廊



廟咨詢僊少暇飛步凌竒峭鯨波觀滉瀆玉洞接  
窈窕游仁智間餘興添詩料敢憚扶籃輿杖屨陪登  
眺

### 隋書

沙丘載鮑車上郡矯扶蘇戾園爲巫蠱泉鳩捐厥軀  
嗟哉楊太子亦自踵其途帝心一己偏讒舌旁窺覲  
繽紛指瑕疵厥罪難容誅天倫忽乖隔楚越生肌膚  
遂令隋天下竟歸亾秦胡噬臍豈自及父子同時屠  
乾坤少容赦亂賊殲江都瀾瀾龍鱗渠淒淒西苑隅  
菱荷早已謝山海空縈紆龍舟往來處舊跡徒區區



南上舍求挽其族姑

處士秋江翁氣節冠當朝沉冥方外遊鸞鷟橫雲霄  
夫人乃其妹義烈何昭昭淒淒柏舟信廿年同一鼯  
晝去侍廟儀夕退坐長宵時時或假寐廢枕而藉茅  
食蔬服一葛斷斷懷貞標王命旌其閭錫冠蠲征  
徭廩粟不絕饋酒載分大庖精神老益苦生死終難  
搖臨終躬盥櫛訣語皆有要餘音直上天魂氣隨輕  
飈三從早失倚後事將無聊永賴族子賢誠專禮物  
饒風霜助慘惻落月澹山椒玄廬閉萬古衰草空蕭  
蕭



與裴參奉恕韻

以下二首增

別來春三過幽夢夜一場古經講微奧芳林共徜徉  
既欽有源醴又歎閭而章詩到人不見悠悠我心長

遊堯率庵雜詠

弱齡聞茲山上有堯率庵攢峯碧無數疊巘盡可堪  
巖阿下窈窕雲煙上濃曇眷言登斯嶺緣溪路轉諳  
高情欲相酬得朋且西南肺肝清水石襟裾染青嵐  
攀緣蹇綠蘿玲瓏一絲龕杖策住青冥四望倒景揆  
仁川近委輸高山迫黛參落景麗林木回風馥茄藍  
眼界非無佳北望憂思惔



河西先生全集卷之

四



河西先生全集卷之四目錄

七言古詩

筆戰

古劍歌

夢遊青鶴洞

續明河篇

天馬歌

虛白堂

戲梅

獨樂園



河西先生集

讀東坡赤壁賦

贈仲謙

二首

贈沈上舍

昆明池

鳴之家設酌座中求詩

任先生和之余又次之

混同江

次孤峯韻贈僧

三月初五日下午京道途所歷因以記之奉祐兄

次仲吉聞鷄詩韻



華表鶴

九節蒲歌

西湖徙魚用東坡韻

與金太容兄論詩

龍門高短歌

用華師二絕句韻作長短句

次昌黎八月十五夜贈張功曹韻

東樓晚晴

讀歸去來辭

晴



讀金縢篇

記夢

斑竹詞

二首

寒食日作

讀關雎篇

雪後行

山中夜話

書班姬棄扇

效邕叟

平

戒子歌用其韻

三首

用工部桃竹詩韻謝申丈漆杖



岑夫子歌

次贈梁甥仲明

子澂韻三首

空同子歌

次退溪翁郡齋移竹之韻

讀昌黎三上書

雪

湘江雨行

以下十八首別

和柳眉巖韻

落花嘆

讀歸去來辭



宦海

杜子美醉後宗文捉轡圖

題蘭亭帖後

蔡仲吉求見吾詩集摘寫目錄中所付若干首

題詩其上

詠海棠

竹宮

宛馬行

次將進酒韻

馬伏波據鞍圖



鴻門歌

酒限

汨羅吊屈原

競渡詩

滿江紅一闕贈洪太虛

曇



1



河西先生全集卷之四

七言古詩

筆戰

文成將軍膽氣麤欲騁神竒摧萬戈崢嶸怒氣壯軍  
容馳入翰苑煩麾訶中山公子奮鋒鏌戰風舞兩揚  
天磨就中剛毅弘農公重如虎豹臨山阿況復陳玄  
與褚白整頓儀形心匪他繽紛歛霍宰鯨鵬鱗鬣倒  
側相嵯峨居狀聲勢振聞睹懦夫惴慄驚奔波長嘯  
掉臂滿意歸氣象可倒崑崙河吾聞技藝特末事紛  
紛豈足爭其多優游涵泳道義府曾中樂地存中和



居仁從自致無敵特銜浮藻其實那澆風竟未反淳  
源道喪世習千里訛六經糟粕寄口耳齟齬謾自尊  
丘軻祇今利路莫回首日競虛名鬪品科

古劍歌

有劍有劍含紫光我初得之豐城水千年古色帶長  
珥擲地鏘鏘聲在耳清霜銑刃晦癰痂老蛟鱗枯身  
陸死氣干斗牛貫層霄天爲動色不敢視冤氛凝作  
萬丈虹橫張六合相遷迤試余新將磨出彩一硯刮  
去塵埃累精神百分倍前朝暗懾神鬼玄陰裏空堂  
白晝飛電光有時雲氣隨旖旎藏之玉匣亦有待終



揮宇宙從吾指下斬長蛟報荆溪潄山大澤剝虎兕  
高崖巨岸劃崩裂上撫攬搶安赤子騰身九天拜玉  
皇耿耿與爾長依倚遨遊萬里免凌暴慎爾且莫輕  
離此百世悠悠同生死一曲長歌聊爾爾

夢遊青鶴洞

醉卧茅齋天日晚偶狀蘧蘧成一夢鬼狀一山當眼  
前蒸嵐翠霧相瀕洞排天壓地壯無比纍纍衆山如  
嬰甕中有一洞雲間開華陽小有無與共奇清爽秀  
高而幽紛紛萬景爭來供翩狀孤鶴上青雲逸興便  
向雲間動千丈飛流下深淵礪崖擊石相磨礪超狀



獨步雙脚輕神清骨冷心自縱一人隨我贈丹砂謂  
言服此凌天玕乘風振奮九萬里下視九土煙塵瞢  
回首人間千萬年覺來世事何倥傯

續明河篇

斗柄西回宇宙涼夜氣依微秋氣多九陌無塵風露  
清碧空粲粲開明河天高雲捲淡如水衆星歷歷光  
相磨一派分明南北橫直跨斗牛揚其波盈盈影落  
扶桑津又通九河相經過支機鵲橋人謾傳直去人  
間知幾何風濤浩汗九萬里其如失勢終蹉跎纖纖  
素手織雲錦天孫愁苦頻雙蛾隔水徘徊還脉脉未



杭一葦停金梭寒砧催斷征婦腸仰見玉宇空悲歌  
獨倚風櫺生感慨歲月如流皆已訛男兒事業竟何  
成竚立乾坤還獨哦

天馬歌

君不見神龍飛出渥洼水風駿霧鬣非驪駟塊狀骨  
毛秀而清竒姿挺出於塵沙一立乾坤萬人驚魂翻  
眼倒空咨嗟宣斷仰天蹴霜蹄看來意氣何委蛇顧  
眄長鳴山澤震颯颯長風生齒牙龍騰鳳舉未曾見  
何如俗馬千羣多乘風一去路幾何快若鵬翮橫天  
涯縱橫九州百萬國可將旬日爲經過翩跹獨步八



荒中直欲一跨馳窮遐東觀扶桑西若木南溟北極  
雙眸加一洗千古萬古愁不聞人世相囂譁遠追周  
王宴王母八駿渡江橋鼃鼃坐使世上駑駘不敢出  
聲鳴甘心低首負鹽車君看此馬更何如逸才曠世  
人皆呀由來遭遇貴得時古有泣玉荆山阿千年伯  
樂死不起人間駿足知幾何請君爲我畫天馬九重  
迢遞臨丹霞將圖欲上獻無由揮毫更作天馬歌馬  
兮馬兮異尋常醴泉流兮玉山禾飢之食兮渴之飲  
朝於東海暮西河無爲回首向人間窮年槽櫪長蹉  
跎終歸餓死更何益無端爲爾空吟哦



虛白堂

香山之麓有大隱風標峨峨而古心嘗從屏上識之  
無從來紫鳳超飛禽當年搢笏登帝庭一朝告病歸  
山林軒狀獨卧虛白堂日將勝景爲詩吟呼童酌酒  
一傾喉清風明月盈幽襟神閒氣靜興悠狀榻上獨  
有書與琴時時閒作四時吟詞意旨默咸池音山禽  
野花與爲友葛巾野服撥幽深常人幾許逐名利白  
首役役長浮沉何時乃得一日閒冉冉桑榆日月侵  
豈如夫子早歸退不共俗士行嘔歎

戲梅



階上梅花初發時。坐看數點心眼開。紛紛千點萬點  
開。忽驚亂雪繁成堆。倚立籬邊弄寒艷。悠狀笑向春  
風回。自占清癯苦幽獨。不見蛺蝶尋芳來。慘慘無言  
多苦顏。風光冷淡空低徊。天風翩翩吹一過。暗香浮  
動遊人杯。杯傾借問爾爲誰。獨守姱節山之隈。蒼苔  
滿前絕知己。不肯世人相追陪。冉冉紅塵三萬丈。素  
質易化神靈猜。孤芳何處寄窮林。終成一朝顛風摧。  
長安年少喜花卉。千紅萬紫親栽培。姚黃魏紫最勝  
絕。滿堂賓客傾金罍。不許鳥雀煩來攪。挾彈潛候護  
丹腮。翠毛零落委塵泥。君獨寂寞何爲哉。月上東山



弔孤影時日不居年華催將君往北五陵花莞爾不  
曾盈一咍嗟哉復嗟哉我獨爲爾長相哀舉杯三勸  
解爾愁不忍皎潔委黃埃朝馳余馬北山臯爲爾築  
室求其材木蘭之楣翠荷蓋又將桂枝爲門楣遠邀  
紫鸞相與來高枝托棲閒綈綈引手挽彼西飛日將  
繩一繫無時迴相將蹢躅永不諼我身不老如嬰孩  
君亦長年奉天葩遠映月桂寒崔嵬飄飄高舉紫霞  
裾飲盡沆瀣雲爲臺人間八萬七千秋不啻驚電隨  
風雷清香袞袞驀地來襲我鼻面情難裁君依於我  
我依君仙侶蹢躅自蓬萊舉手問我我何言遙將一



笑爲良媒三人共看白玉牒黃金數字頗奇恢流霞  
數盃意相傳紅雲雜還盈九垓回身見汝不知處爾  
爲我耶吾爲梅浪吟飛來華表柱平原靄靄丘山顏  
桑田爲海海成陸冷盡昆明千劫灰

### 獨樂園

獨樂園在青山下花竹依然幽而繁數間茅屋閒且  
靜不許世人來囂喧披書看見古今事分明心上盈  
乾坤潺潺流水循除鳴學業與之同源源浚衣大帶  
緇幅巾獨步逍遙忘日昏春去秋來等閒過超然絕  
意風塵煩傷人借問樂何事所樂至大難爲言氣象



浩浩誰能測河南邵子時來門相看談笑不知疲天  
地萬物俱繽紛嗟嗟世人何貿貿所以獨樂名其園

讀東坡赤壁賦

滄波萬頃秋已早淨洗玉宇無纖塵冰輪輾上桂花  
明影落九地窮崖濱扁舟一葉泝流光桂棹蘭槳歌  
美人風流未盡客吹簫獨撫萬古傷精神狂吟不用  
謾區區苦較彼此空悲辛盈虛消息互相推天地萬  
物誰爲真笑倚蓬窗勸君飲舉盃一洗腸輪囷真將  
獨到破塵頑穩夢不覺東方晨臨臬十月過黃泥薄  
暮網得松江鱗山高月小夜如何斗酒不時來相陳



河東先生集卷之五  
飄飄逸興自不淺一聲長嘯波潏潏龍驚魚躍石崖  
裂二客悵望從無因翩然舉袖下大荒東來獨鶴如  
車輪玄裳縞衣夢中人不是遼東華表賓仙翁一去  
想安在至今遺響諧韶勻江山風月竟誰主滿眼白  
露橫清淪他年一葦泛江渚復與道士期良辰匏樽  
更酌舉相屬頡頏汗漫高騰身軒然再拜造物翁駕  
風馭月跨天津從容問取無盡藏下瞰人寰知幾春

贈仲謙

我來扣門問主人芍藥未開薔薇老主人一笑拂塵  
榻五尺盤松日影早園林木密草蒙茸小逕披來幽



更好千門萬戶擁闐闐高下冥迷眼傾倒孤軒半醉  
奉常酒頓覺萬慮空懷抱樹外衆鳥鳴相和碧空無  
雲淡浩浩主人高卧客鼾睡簷下輕風動纖縞長吟  
不省日西斜餘暉散漫窻前草蛺蝶何事更婆娑使  
我無端詩思惱

其二

十年奔走長安道利名關人不知老紛紛過眼數榮  
枯秋菊未晚春蘭早何如一醉卧北窻滿目風光隨  
處好世上真樂此爲甚太山秋毫可相倒百千蚊蚋  
起復滅何用區區擾我抱豈念念云云諧笑煩性情賴



此方浩浩逸興如雲驅萬類不啻勁箭投魯縞男兒  
事業在遠大安能埋沒隨百草龍蟠自可致雲雨肯  
向人間歌懊惱

贈沈上舍

道峯西來接長城黃龍南走經珍原山川元是大牙  
錯二縣村落連牆垣風聲十里已自飽相信在心寧  
須言蘼蕪大學兩龍鍾卧病幾絕盤中殮東城四月  
席芳草始與舉頭臨清尊中堂執經倦永夏弊巾緩  
帶慵趨奔講罷長齋睡政閒未覺暮鼓驚雷喧嬉嬉  
不啻同隊魚異夕浮萍其敢論居狀解手告別語恹



恍默坐空銷魂公歸定過葦嶺南溪山繚繞圍衡門  
長吟回首白雲頭地角萬里遠晨昏連環有夢未言  
還羨公先去陪堂萱南陔採蘭日向晚甘旨盤羞柔  
色溫從知此行益磨勵行見睨朝收璵璠笑我悠悠  
不自力謾將鸚翼爭鵬騫他年有期蛇作龍共子一  
叫呼天闔

昆明池

月課○代崔直講作

西荒萬里國名滇極目微茫橫一水六軍素不習戰  
艦阿誰說向劉天子便將平地費開鑿日月東西迷  
彼此豫章飛宇上連雲旌旗亂影風雷起河間鯨倒



石鱗活駭女癡牛宛雙峙雄圖偉觀兩磨滅茂陵孤  
墳何處是

鳴之家設酌座中求詩

中秋天氣漸清佳半庭樹木搖金風軒楹颯爽白日  
閒主人拂榻盤羞豐飛觴勸客酒翻波不覺頰眼涵  
輕紅鳴鐘戛鼓歌遏雲兩兩白蝶飄牆東悠悠簷影  
轉西移入醉萬慮渾成空逸興散落天地際目前泰  
華難爲崇內翰風流天下聞舞袖蕩漾如翔鴻異日  
金鑾殿上人八九雲夢吞心胸優游散漫太平春獨  
鶴不與羣鷄同承歡接宴極真情龍門捧袂何從容



狂吟回首登庖眉落筆敢言揮雲虹

任先生和之余又次之

狂詞一篇豈云佳先生見和生光風曾懷得酒此爲  
閒勝景不待春草豐碧天如水淨無波美人壓酒羅  
裙紅墻頭綠柳垂輕雲繁絃亂舞轟西東華筵瀾漫  
坐頻移長鯨吸海千樽空清飈來自暮山際醉後轉  
覺盃觴崇嘈嘈耳熱迷聽聞舉首但看飛雲鴻軒狀  
一笑向主人開口斲破崢嶸曾坐令眼底回陽春澹  
蕩直與羲皇同世間榮悴兩忘情外敬不須施顏容  
爲誰黃色上浮眉要看東京氣如虹



沁園春雪  
混同江

代丁先達作

吾聞天下三大水混同之江此其一爰初發源長白  
山一派浩浩涵天日橫連華夏壯吞吐直與滄溟爭  
渤潏完顏餘迹變川陵祇今車書同一室長拖擬棹  
萬里波指點三山躡超忽

次孤峯韻贈僧

蓮臺庵下飛流泉凝青激白爲灘淵溪頭絕壁儼難  
緣傍有古刹經千年佛殿連空俯危顛門樓壓水臨  
高樹幽溪每喜踏雲霞幾回行穿雙葛屨躑躅粧春  
楓染秋此來又值冬雪暮詩翁一去飛上天寂寞溪



山空自老當年二衲亦已非但有詞筆留餘好

三月初五日下午京道途所歷因以記之奉祐兄  
太學館前迹不出春色唯看泮水柳來時忽見上林  
苑萬樹青青經雨後衝泥晚出城東南滿地碧草春  
來久淙淙小澗響山石欲洗塵纓兼濯手江頭行旅  
戴杜鵑故園千朶知在否漁家捲網掛長杠往往持  
錢沽斗酒江流新漲漾歸舟怒波洶湧如山阜風翻  
篙水濺人衣遠望孤帆泝江口林間高閣問誰主丹  
碧玲瓏映窗牖長汀軟沙濕不飛馬上平原一回首  
千峯儼立翠參差拱揖神京配高厚低徊猶似故鄉



情惝怳不忍輕背負行行轉覺北路遠指日嚴程勞  
卯酉蛙鳴水田稻初種散野傾筐歌采婦鳴雉舞蝶  
鳥語嬌麥有新畊或盈畝天安郭南院樓前綠楊紅  
杏家家有山花漸亂葉漸敷何處鳩聲隔林數穿林  
入溪不知遠半嶺雲嵐繞跟肘嶺外郵亭樹影繁益  
見陽氣南先受日暖風輕桃李花錦水綠淨無塵垢  
尼山細雨數鴈歸馬泉長風萬竅吼微茫大野際雲  
平四望羣山皆培塿益怒銀箭飛破蓑蒙身如  
禿帚霑衣撲面苦未已見日艱辛無與偶暮抵人居  
屋又漏沉竈難炊濕薪淋淫連朝又終夕當書移



家大如斗淹留一日不登途陳蔡應將同魯叟黃昏  
聞笛思淒清不因南還愁益又中宵轉側地傾狹馬  
齟頭邊奴伏右沉吟支倚或坐睡傾耳苦待鷄鳴丑  
那堪濁流聒前川永夜春撞煩擊缶朝來天色喜晴  
霽脫狀身如去纓紐滄浪濯足憇莎岸沂上清風千  
載友雲容搖曳日翻波眼底湖山吞八九辰逢踏青  
尚異地岵岵空瞻望父母完山郡邸一點燈撲地閭  
閻喧吠狗原頭蕨芽已入採石堤棠梨雪紛糅溪村  
入食友人家盤上新蔬雜蒜韭山醪數爵路中醉一  
夢臨着南柯守舉目花原十餘里武陵仙關要一扣



無端恐被物色猜血肉未免塵埃白雲巖峽住碧琉璃  
雨斷長橋猶拉朽褰衣側足畏傾墜戒謹如斯寧  
有咎晨登栗嶺趁霜寒宿雲橫山手可取洞壑逶迤  
水石幽葛川北匯潭光黝一年強半始歸來去時秋  
禽今穀穀風窻雪榻幾驚魂鏡裏朱顏羸瘦醜明年  
此日復何處困把行吟余豈苟

次蔡仲吉聞鷄詩韻

昨見手書詩一通跪而受之惕齋慄造次如逢仲吉  
面展把孤燈慰寂寞瓊章繡句奪人目眩轉茫迷始  
焉感傾心致意久乃見口誦忽焉如有失熊蹯豹胎



未以喻不此吾家藜藿薄若非前代聖賢文千編萬  
卷磊落載其腹安能一一自己出汎濫發越至此而  
不覺手披目覩豈敢暇對此真成榻穿膝悲辭旣令  
人肝摧喜語還堪蹈舞樂翻風激雨宰鯨鵬鱗鬣撐  
拔相倒側韓竒杜硬遠追逐掉臂乾坤步可獨千年  
匣中二龍劒半夜精光射天赤怒勢快倒三峽流刺  
船直泝誰能覆彭鏗不敢誇大春河伯望洋羞海若  
憑陵造化撼機軸有時懸知道宰泣千金之子天子  
宰抵死求之猶不得何君一朝得有餘受用平生長  
快足天遣此身窮有意欲令尋常就暇逸逝將遊戲



詩書中不許容易隨人役功名元在老大時溪山松  
柏豈共蒲柳與零落所以從前賢達人得喪悲歡任  
亭毒天地萬物如吾何芥蒂寧須較塵刹大道本非  
身外求至近無殊眼前睫修身以俟百不虞不見乾  
坤剝而復要將事物莫我累始可放得心地濶觀吾  
固非自作孽畢竟其何不可活雖言倚伏渺難測用  
此推之庶可達行將百世俟聖人萬計千思無此出  
吟君詩罷倚宇宙霜雪風寒冬季月離思向暮益撩  
亂南望羣山政愁目眷言懷人不可見獨撫文章欽  
煥赫顧我欣狀還自得滿眼驪珠忙掇拾切恐此卷



化作風雨去呵筆傳謄及此日深藏篋笥慎輕發此  
計亦怕舟藏壑反思前年登陟白雲隈巖邊芳草一  
一皆吾所踐轢此是近境諸山最絕處奇禽異獸爭  
栖托金漿一酌肌骨輕靈液有限天應惜自從一落  
塵網中壺中日月虛拋擲空勞夢想掛蒼壁未遂傾  
筐剷山藥今聞石路益峻急結構丹青爛生色誰其  
主者崇上人口中久絕煙火食浮雲去住獨自如方  
外無拘直快鶻早晚隨子尋輕蹤一瞥榮枯何足恤  
滄波赤壁久聞名溶漾萬頃風煙濕清奇自是造化  
工嶄巖非由巨靈劈何時舉酒誦明月與子悠然雙



眼豁洗我萬古崢嶸曾勝景森羅來合沓劃然長嘯  
時一聲怒浪驚波紛激射此固皆吾所嘗願銘在心  
頭長不滅庶令夫子知余懷卷後題詩具此白

華表鶴

紅塵萬丈没人肩天上仙居隔風雨千年城郭塚纍  
纍可笑俯仰成今古歸來不見故園丘往往相逢非  
舊主長生有術世不識百歲浮沉空自苦悠悠回首  
向空碧獨有當時華表柱

九節蒲歌

青山水石幽絕處久聞靈苗生其間軒狀植藜藿寒



蕭森爽秀涵清灣蒸雲浥露飽輕瘦造化凝精  
神怪根莖蜿蜒蟠虬龍蔥龍葉帶冰霜顏我欲採之  
以有贈竊恐得罪於仙班摩挲終日置不得便將脫  
略遺塵寰騰身上拜玉皇帝霞佩珊珊聯玦環帝命  
擢此洞府時往壽蒼生無苦艱小臣稽首欣奉勅玉  
牒金章頒衆山山靈從此不敢秘滿袖快闢紅雲關  
移根擁出獻君王許種玉墀均惇鰥林林赤子豈知  
蒙帝力服之頓覺開冥頑神清氣豁肌骨健老者還  
稚躁者閒從看鷄犬到日邊孰云壽域難躋攀

西湖徙魚用東坡韻



公將湖嶽視杯塊與世聲牙殊向背逍遙江渚侶魚  
鰕自任散髮忘簪帶秋早窮鱗困涸轍濡沫餘生分  
鮮膾那知受遇不忍仁得免珠消兼錦碎頰尾橫身  
乍眩轉得水揚鬢鬢清瀨沿流游泳復自如依舊相  
忘千里外蒙叟濠梁知不知此樂亦與吾心會早晚  
明朝報 聖恩就子相携卧滄海

與金太容兄論詩

四月八日

去年今日良才郵雨不能行縮蝸室壺山郡後嶺頭  
寺松間一點燈明滅今年此日白巖下長空萬里蟾  
光徹况復明燈助光彩一室洞白如晝日良朋語笑



任坐卧夜濺不辭風露逼恨無斗酒酬佳節索朕未  
作終宵樂故山回首路幾重每逢岵屺煩登陟萍蓬  
依泊不自知十年奔走紅塵客湖西洛北山水悠吉  
日良辰路上失園中落盡桃李花幾望鄉關憶梨栗  
細筭浮生堪一笑俯仰一世那容詰擾擾三萬六千  
朝風雨塵埃日衝突孰能超朕脫羈繫嘯詠山川閒  
日月人間苦樂都兩忘左右琴書還自適上奉慈親  
下妻子富雖不至貧亦樂窮年卒歲每如是青史功  
名非苟得何爲腳踏齊魯郊遑遑心以爲形役紅顏  
白髮遞榮枯枉費精神空汨沒



龍門高短歌

龍門高幾千仞斷崖數級臨黃河河水洋洋日夜流  
側身上下隨風波風波蕩漾霧雨瀾舉首一望愁嵯  
峨千層萬層白雲間蒼茫九萬天何多何時揚鬢奮  
鬣弄雲雨下注九土流滂沱

用華師二絕句韻作長短句

頭流山幾萬丈祝融威光不能到盛夏亦見層崖冰  
吾師一鉢住雲間長衫短褐遠把曹溪藤我來此寺  
值師行問却孤雲遺蹤留孱顏早晚躡屐攀青蘿高  
遊物外不知幾日行將闌



次昌黎八月十五夜贈張功曹韻

秋雨霽天清山河耿耿玉宇流金波堯殂舜陟數年  
間 聖明受屬民謳歌桑林一旱已云苦奈復警予  
愁淫雨魚頭解解天高高沙侵隴斷村閭號黎元命  
脉能幾全飢渴逼迫難爲逃無人舉鞭打乖龍何處  
一掬潛腥臊吾 王至誠天所知豈啻獨鶴鳴九皋  
雖狀九重遠千里八珍安能救民死狂波入海去不  
還蓬萊縹緲羣仙班清都風露隔下土九地雲煙迷  
百蠻于今喜得見天光且可放懷杯觴間桂樹團團  
千萬秋瓊柯玉葉如可攀都俞當日賡載歌屑屑不



用煩金科彌縫繼述賢俊多一國蒼生望匪他潦倒  
還須飲無何

東樓晚晴

宿雨初收天氣新望裏羣山當眼開城上高亭屹若  
飛綠樹童童紛以回樓前水碧青草浮一塘蛙黽相  
喧逐牆頭又有草蟲鳴滿堂騷客清心懷風吹燭動  
氣橫奔不覺更鼓驚初起微涼動面夜向淡浮雲尚  
未褰天隈樓中高會趁良辰玉斝屢舉傾金罍疎星  
點點掛碧落悠哉雅趣超塵埃儒生漫散更何爲一  
張詩句呈諧詼



讀歸去來辭

君看野鳥處樊籠舉首奮翼思輕飛淵明晉代一高  
士暫守彭澤還來歸羞將斗粟向鄉兒落落豈肯爲  
人鞿田園欲蕪三逕荒昨來形役今知非往者已矣  
來可追孤舟輕颺風吹衣行行前路問幾何衡宇漸  
近晨光微童稚無恙出迎候入室有酒觴仍揮環堵  
得占容膝安庭柯爲我回清輝園林日涉門反關策  
杖矯首時遐睎浮雲出宙宇知還一任去來由天機  
蒼髯丈夫襟期同甘心世與身相違時來親戚話情  
懷有書在案琴無徽春疇有事命舟車出入丘壑生



煙霏休休萬物共自得委心去畱夫何希登臨嘯詠  
興盡回樂天知命世所稀畢竟山河屬寄奴卓卓政  
爾知先幾光憲尙存晉日月義節不減西山薇分明  
三復荆軻諫感歎千古空歔歔

晴

山城五月雨淋漓一朔不止陰雲橫今來忽見白日  
光稍稍樹頭聞蟬鳴野水蒼茫露沙洲隴間禾苗薰  
風生褰衣步步上樓閣憑軒縱目臨連甍村家爭喜  
曝新麥行旅不復愁遠征凍飲水李却初暑竹簟方  
牀思受清人生自爾有憂喜造物何心陰且晴逍遙



不覺夕照斜浩狀長吟歌太平

讀金縢篇

茅齋半夜靜無眠照卷青熒一點燈就閱周書二三  
策目擊姬公冊金縢寧王受命革商祚未幾厲虐來  
侵陵民心王室屬疑危六尺冲子難可憑壇墀圭璧  
告先王耿耿明誠如日昇云予請代某之身若考事  
神吾所能元孫顧有不子責忍使大命墜將興卽命  
元龜卜習吉感通神明終有徵將書納櫃比四載昊  
天不弔王旋崩元眚攝幼衆所疑玉上一箇生青蠅  
公謂流言我當辟赤烏凡凡心戰兢狂風疾雷偃禾



木君臣惴慄臨淵冰知天動威彰睭德發書涕泣慙  
恨仍郊前親迎備羣儀反風起偃年乃登吁嗟忠諒  
格幽明寂寞萬古誰與朋

記夢

夜夢忽焉歸湖南金鰲縣里拜嚴親遂侍家尊覲王  
父旻洞季父依稀真三騎路出碧陰間一路松磯棄  
不因行行忽臨小溪邊人云水深非歸津兩流揚漲  
不可厲我尋去途投村人獨乘驪駒足垂地腳挾馬  
背鞋步塵石梁窄迫亦易渡來入人家廳上茵呼兒  
將履置前楹玉川女奴狂笑頻且出其門至一處巖



高水碧波粼粼數三叔氏不記誰陪坐石上看龍鱗  
春澌散漫石溜落渡水兩舄爲漂淪缺足掛出如陶  
梭此是林鐘望後辰

斑竹詞

一本作哀二妃詞

重瞳一駕去不返九疑慘淡橫蒼茫哀哉二妃獨奈  
何追之不及空斷腸啼將血淚向青天一行二行千  
萬行風吹餘點灑長林林外白日寒無光居狀綠竹  
失舊容玳瑁忽換青琳琅鬼嘯猿啼萬萬古一脉幽  
冤此中藏陳根生笋笋成竹斑斑盡帶雙涕滂相隨  
九泉未可知愁雲冷雨迷沅湘山崩水絕怨不滅至



今彷彿芙蓉裳

其二

蒼梧雲晚九疑高  
沅水蕩汨連清湘  
重瞳孤墳不知處  
冀都漠漠天一方  
羲和竟未返南轅  
攀呼不及悲英皇  
相將反袂致幽冤  
哭聲直上千穹蒼  
淚竭身枯血染竹  
哀魂萬古空徊徨  
脩林蕭瑟煙雨昏  
二十五絃聲抑揚  
騷人漁子到江上  
惻耳酸骨摧心腸  
悲風颯颯白猿啼  
天長地久終茫茫  
無情唯有水東流  
二妃怨恨誰短長

寒食日作



洛陽東風吹九陌煙光澹澹天宇寬垂楊彈地綠絲  
長日暖啼鳥聲千般飛甍鱗次百萬家黃簾綠幕輝  
朱闌城中光景藹極目飛花舞逐回風端長繩百尺  
掛高樹蛾眉綠鬢何蹒跚玉手爭攀飛上天雲間瓊  
珮鳴珊珊豪家少年五花驄驚毬躍出長江千家家  
持酒祭北邙紙錢飄空丘壠殘流傳昔日介子推赤  
心與主同艱難終狀論賞獨不及偷生苟得心非安  
長歌一曲上綿山可憐烈火燒芝蘭忘恩背德非人  
情達士豈肯貪塵官空將縞素更何益無端涕泗徒  
汎瀾青煙忽斷四境中爲惜義烈隨灰乾遺風千古



久成俗乃用冷飯充飢餐遂作辰名揭佳節節同世  
異殊悲歡愚者銜杯作遊宴識者念昔爲長嘆誰云  
詞人少膽氣居狀壯髮衝危冠坐想丹忠意何極日  
暮軒畔生微寒

讀關雎篇

綿綿王業起岐山至于文王德如天天生聖女洽之  
陽窈窕婦德曾無前造舟爲梁嬪于周國人爭詠關  
雎篇由來夫婦居人倫陰比乎坤陽比乾文王旣聖  
妙又聖同明並德家道全赫赫盛化流乾坤汝漢陋  
俗皆相悛天下歸心大命集子孫相傳八百年吾觀



興廢由婦人妹妲入宮邦國顛不有懿德徒淫荒明  
眸皓齒空嬋妍如何後王不能承祖武僞烽一舉兵  
戎連

### 雪後行

詩翁落魄天地間偃蹇獨向冰雪途平原皚皚爲無  
際蒼茫萬里如銀鋪驢蹄踏破瓊瑤地正似蕩漾清  
虛無蕭肱高趣出塵間手揮健鞭行于于凶風頑凜  
攬宇宙不覺寒氣來侵膚乘興閒吟數句詩世上萬  
事徒區區

### 山中夜話



河西先生集卷之三  
天風吹山報新晴夜入僧堂吟嘯聲一釭油燈未盡  
銷何用月照窗前明相將開口談古事神鬼未容逃  
其情竒談詭辯繼未絕興酣援筆催詩成艷思浩蕩  
發春華妙料或入秋天清狂懷往往出尋常爾汝僂  
到相忘形幹之最怕魍魎語不敢出戶觀階庭推他  
穀君卧外面恐有夜半魂夢驚一更鐘罷旣云久過  
此數刻應二更頽然枕藉不知醒頂跣交投迷弟兄

書班姬棄扇

漢朝宮殿含雲煙三千翠娥炫金鈿姬時懿行冠諸  
嬪曾辭玉璫承恩眷讒妬構出暗昧形坐令帝心迷



自眩淒涼長信早回秋蛾眉怨結愁紈扇昭陽殿  
日復日掌上輕裾舞飛燕那堪冷月入綺窻夢回却  
記君王面堪嗟絺綌淒其象床珍簟憐已卷區區  
敢望御懷袖百年篋笥甘棄賤蘭摧蕙折降嚴霜風  
氣肅肅橫金殿前時恩遇每自念一心匪石終難轉  
聊吟短章寄孤懷耿耿萬代畱餘戀

效邕叟

平

戒子歌用其韻

并序

麟厚於中宗庚子秋登第辛丑春以權知  
承文院副正字賜暇讀書堂其冬拜弘文館  
正字癸卯夏累遷至博士兼世子侍講院



說書六月甲午直在院陞副修撰爲二親老  
病乞養蒙恩調玉果縣監越明年甲辰冬十  
一月 中宗升遐乙巳秋七月繼有 孝陵  
之喪是月家有季女方十三歲得疾已一期  
遂不能救以死冬十月麟厚病垂絕僅蘇因  
以去職丁未春有老叟邕平自誦戒子歌三  
章效杜陵文山體有曰歌正悲歌孔悲歌罔  
極曰老眼雙淚盈一作霑裙衫曰欲從遠遊天  
地窄曰號泣旻天天無聲感而效之作此仍  
用其韻其歌曰



聖主龍飛四十春  
民祝壽富而多男  
中華文物太平辰  
一時風雲傳美談  
居狀倚玉濫恩寵  
分寸未效終多慙  
嗚呼一歌兮歌罔  
極病眼雙淚霑裙  
衫

其二

春坊又帶侍講官  
一朔經旬於厦屋  
兩宮恩渥謬

稠疊賜醢分珍羞  
素食迎詔門前白  
儀仗爾後重驚

違舜日嗚呼二歌  
兮增激烈欲從遠  
遊天地窄

乙巳春

帝遣太監及行人張承憲賜謚于中宗余適有命至京師仁宗方出餞張天使于慕華館衛仗輿

馬稿素一邑拜起觀瞻益哀愴罔極

其三



有女有女神骨清心閒氣靜端而誠芳蘭已茁壁無  
瑕毀瘞空山春不榮致汝無辜一至此百年慙痛傷  
中情嗚呼三歌兮歌亦悲號泣旻天天無聲

用工部桃竹詩韻謝申丈漆杖

年來借得紫斑竹病子扶携已云足矧出窟荒重金  
玉相國手澤尤難得知非凡卉共根莖不必滿世傳  
名聲龍鍾無復東南征悵望頭流與錦城尋幽豈畏  
鬼神奪歷險不虞蛟龍爭重爲告曰杖兮杖兮爾之  
生也甚正直儻能見水踴躍學變化爲龍使我須得  
爾之扶持飛步於君山湖上之青峯噫風塵不起兮



豺虎遠人太平之辰兮吾與爾從

岑夫子歌

戊申春先生避寓玉川之鮎巖村得  
榕槎於磯頭甚奇古仍以岑夫子目

之作歌以戲之  
水青木即醫書之秦是也

岑夫子風骨何峭峻先世避秦仍姓秦不獨採芝種  
桃者童男女亦解尋蓬瀛徐市樓船不復迴手携綠  
玉杖羣行當年未作葛陂龍往往雲氣隨雷聲窮山  
水石萬萬古豈共鄧林爭枯榮感成奇屈足磨洗泥  
沙混跡甘平生樵童漁子接迹不相見神鬼窺之先  
自驚河西病夫來無何邂逅獨爾融心情欣狀引坐  
同匡牀沉香是弟梅是兄龍騰虎踞鳥騫喙龜蛇起



伏神凝精既不是韓昌黎木居士又不是蘇老泉三  
崢嶸嶄狀頭角森開張面目有似天籟鳴真成華岳  
千仞盤安得泛君以長風萬里波鄰鄰

次贈梁錫仲明

子激號  
鼓巖韻

泰山其頽熾楊墨仁義迂濶推儀秦周京草茂呂政  
起侈慾竟至求蓬瀛金人又入漢帝夢仙翁釋子紛  
橫行陽衰陰盛治日少千四百年聞無聲河南夫子  
繼絕學有如枯木春回榮諸儒大成集者誰吾見紫  
陽朱先生彰微補缺博而約僞學一言真可驚童蒙  
須知小學書一敬已該心性情良知不待學而能真



切豈外親與兄天下達道由此出近思一編詳且精  
丁寧剖析訓子詩莫不自卑登崢嶸章分句解字明  
訓宮室大開洪鐘鳴撐舟莫放一篙緩上泝沫泗波  
鄰鄰

其二

涇舟膠楚束薪歌天下已傾西戎秦岐豐忠厚變勇  
力氣焰駸駸彌四瀛三良何罪委荆棘孔子不到於  
西行徙木都城清渭赤鞭笞天下張威聲君家孽芽  
容有黨鞅斯膏血生靈希寵榮君於其間直以木強  
廢漂流百代獨友丹丘生傷心莫說焚坑年千愁萬



恨令人驚梁園公子不覈實指摘罪咎多非情曾參  
殺人偶同名不疑盜嫂初無兄山有榛兮隰有苓玉  
之璞兮金之精天高明兮地博厚海濶遠兮山崢嶸  
我欲舞長劒劒兮出匣枉作蛟龍鳴翻飛滅跡我何  
爲寧與爾共泛波粼粼

其三

吾雖不能爲直卿之考亭漢之韓仲也決非蘇家秦  
不學閉門草太玄不學談天竈大瀛所論洙泗遺言  
伊洛傳用工只在知與行春陵翠草汎光風龍門琴  
韻和金聲顏生陋巷不爲賤周公富貴非獨榮俯仰



高溪參兩間天吾資始地資生盡性知命分上爾事  
舜之事不足驚靜時涵養全吾天動處省察防流情  
事應之大至治平不過親親而敬兄須看萬殊本一  
原每從粗處求其精從知跬步致萬里拳石積累成  
崢嶸繁華莫使惜春英入耳豈共秋蟲鳴蒙衝一夕  
放中流青山綠樹涵粼粼

空同子歌

用前韻

空同子青疑秦白疑柳非楓非蘂又非榆段  
段異肉如象之爲獸抑莊生樹之無何有之

鄉者耶

梁子激得古槎於南澗之濱厥狀冠  
語有類崆峒故先生目以空同子歌



以戲之蓋亦前篇  
岑夫子之意也

空同子生不知天地人皇有巢燧人何年代曾是拜  
揖軒轅跨唐虞歷夏商隱映杏壇發揮伯陽於先秦  
乾爲爐坤爲鼎日月水火六十藥物手自煎蟻垤五  
山杯四瀛太極之妙乘氣機根陰陽變合氣質生五  
行洋洋發育萬其物冲狀漠狀竟無聞臭聲天地一  
塵古今一息知覺運動開落均悴榮川流敦化本一  
原高下散殊而並生剛柔相摩寒暑推風雲雨露雷  
電驚重濁者形神輕清五性感動流爲情苟得其養  
無害本狀心四海孰不爲弟兄空同子初非與我異



根柢無極二五同  
子真精聞諸夫子仁者性樂山  
嘉爾本自木德仍崢嶸如看武夷兩石巖  
邐邐碧花想像夜月金鷄鳴嗟哉千年架壑永懷問津人但見  
桑麻盈田幾時海上浮粼粼

次退溪翁郡齋移竹之韻

君不見見雪山衙亭名以竹亦知前人猶不俗栽蒔晚  
學瀟灑翁不是邯鄲失匍匐又不見基山病守不學  
能直截平生好奇服城西之菊郡齋竹舉一可見其  
心曲冰壺秋月古有人借問何年主白鹿口誦周詩  
三百篇猗猗菜竹思淇澳異哉青青貫四時可憐非



草又非木移根長作眼中看種地疊石壇先築清朝  
靜夜對不厭露葉風枝藹寒玉有時煙雨映蕭蕭世  
間百卉皆碌碌曾懸直鉤渭水濱名並西山餓夷叔  
行吟手撫偃蹇質拄杖自比空同腹何須添却媿狀  
花謾教好事移西蜀一任縱橫雜亂抽不許髡盡煩  
僮僕長長短短自成林豈容鶴斷而鳬續兼之春媚  
與秋嚴晬盎真成富潤屋淨掃長空雲漠漠直拂繁  
星明煜煜禹貢行隨篠簜登齊郊肯受牛羊牧人言  
根上第一枝雌者爲雙雄者獨從知物物各有對易  
上分明驗九六依山一逕就偏癖月皎霜風誰獨宿



詩翁寫出有聲妙畫師紛紛多畫肉曾中吞得幾千  
計病閱不覺高聲讀安得燒笋酌松綠杯心汎汎黃  
金菊

讀昌黎三上書

男兒特立宇宙內抱德負道夫何求世上窮達各有  
時一身饑寒非所憂陋巷簞瓢聊足樂公何汲汲爲  
身謀當年卿相盡奸邪欺君利己邦之蠹敢效毛子  
進平原崎嶇自沽期必售累累書中數千言義屈辭  
諂良可羞唐虞赫業君所慕曾將一身期魯鄒跖典  
賢謨喜援求談論古道無時休直須孜孜加致力安



蒿斬蓬利鋤耨奈何饑寒一及身此心飄揚終不收  
忽忽身世苦寒酸自恨經營常不周富貴榮華知幾  
時妻子飢啼日啾啾遑遑四海竟何托冀求一位干  
公侯紛紛憂樂自不免甘心屈已何區區吁嗟吾道  
貫日月果與衣食將誰優一簣功虧九仞山前時壯  
志誰復酬伯夷枯死西山下英名凜凜垂千秋用舍  
在人其苟得我獨爲君心悠悠寄語當年名利客各  
自修身体怨尤

雪

玄冥按節寒凜凜宇宙烈烈吹頽風青山寥落死尾



色草木枯槁無華容天公爲此遣狂飈亂吹玉屑落  
虛空初疑蛺蝶飛花園弄花紛紛亂無窮飄飄散漫  
來不息縱橫亂泊迷西東閒恣意競狂豪隨落隨  
來自濛濛鸞翔鳳翥靡所定盡態窮妍落前櫳峯嶺  
巖巒工琢鏤玉屏參差自相重林中羣樹未一日瓊  
花玉柯交橫縱坐令頑冬幽墨日千城萬郭春融融  
因物賦形非一類坐看盡日心如矇俯仰乾坤光照  
曜乃知造化專其雄吾亦清閒一遊子裁詩聊且贊  
天功

湘江雨行

以下十八首別



江雲漠漠水如煙一夜長風吹作雨蒼茫隱映有無  
間層波疊巘相吞吐蕭森樹木響颼颼記得崖邊斑  
竹豎清猿叫斷九疑峯悅聞寶瑟彈高柱紛紛冷澁  
不成調屈賈遺魂已千古長吟楚些復誰知不用臨  
流更愁苦依依數帆點中流蓑笠漁翁歸遠浦蘆洲  
人語聽漸近近岸村火明連戶波聲益亂雨不止定  
知苔磯沒前澣

和柳眉巖韻

眉巖時謫居鍾城

平生驚緩病相仍涓涓幾被黃流清多年灾患免填  
溝又見綠草春生郊天涯刮目故人語破韻頓不愁



敲梢益信淵源日浩浩餘波浸潤無高坳遠想夫君  
獨濟哉一望大嚼羞空庖時憐老妻有酒醕未禁稚  
子收針敲蹣跚咫尺礙丘壑石田誰爲鉏蓬茅花風  
雪月付閒懷溪山屏障雲霞旃所願年豐禾黍足四  
境塵清息飛髑君蒙恩放我未斃得受一寸投東膠  
兼收詩禮道諸兒孺立直到乾坤交孳孳日夕樂忘  
憂不煩旨酒陳嘉穀

落花嘆

春光一去不可攬芳華冉冉隨流水庭前烏雀政閒  
弄萬片飄泊塵埃裏中堂倦客獨奈何一場暖酒心



千里天收彩蓋惟青羅風雨不貸千林紫林園蕭索  
綠苔萋俯仰宇宙思何已懸知兒女惜顏色歎息幽  
閨處處是且看池影漾淪漪悠哉莫作傷春子

讀歸去來辭

習習籠中鳥回頭長望山奮翼常思一飛去隨意飲  
啄何間間吾觀晉處士家在潯陽茅數間平生不顧  
萬鍾祿躬耕自給館辛酸蕭然高卧北窗下掉頭一  
謝江州檀館年三逕岸葛巾琴書一榻相娛歡當時  
刺史念窮居使守一邑忘飢寒公田種秫一頃餘旋  
將濁醪澆心肝閒心豈肯久羈繫一年未盡還辭官



羞將折腰向督郵  
翩然解綬從其安  
區區世事摠浮雲  
獨尋溪壑常盤桓  
松風入耳心更清  
粲粲露菊黃金團  
依狀綠竹自成林  
多情碧色侵杯盤  
南山高標屹相對  
白雲無心相往還  
日暮歸禽自知羣  
啾啾得意棲林巒  
春秋冬夏迭成歲  
世間甲子環無端  
淒然秣陵不復道  
百年忠憤無時闌  
荆卿俠客不須說  
屑屑三良何足嘆  
沾衣慷慨更何意  
我獨爲君哀淚潛  
歸來一篇耀後世  
撫卷三歎眉空攢

宦海

人間一水汨天地  
風波蕩漾橫爲海  
翻雲覆雨不可



測幾見覆舟乘其殆區區巫峽更誰數此流應過千萬倍面對龍顏嬰逆鱗汨羅懷沙豈其罪潮頭怒氣浙江水至今冤憤流千載遐荒海裔或老死亦是昔日調鼎鼎鳳池恩波有不終畢竟顛亡何所待終不如雲山石室卧窮年薄田躬耕終不餒提妻挈子物外遊放浪泉石攀蘭茝行身濟世亦攸貴豈必妄動生尤悔

杜子美醉後宗文捉轡圖

風吹天上白衣雲遠山依微暮靄蒼平原十里草萋萋落日未落天蒼茫君獨騎驢向何處眼花落井生



微狂乾坤九州幾萬國一夕轉盡歸醉鄉浣花溪頭  
幽絕處依狀數間開草堂生平與世味相疎時時得  
酒傾千觴微吟舉首向青天太山一點秋毫芒人人  
擬看紫霞客流落人間經幾霜接羅半倒誰整之一  
子扶傾一執轡紛紛珠玉咳唾餘堆積不盡如山岡  
眼中神鬼怕嘲咏尋幽走遠皆潛藏山前斷橋卧溪  
曲團團翠壁松低昂衡門老妻倚日暮前堦下驢欣  
扶將回頭未解百年憂一聲蜀魄驚藜床夜浚月白  
起再拜遙望美人天一方病鶴悲鳴愁萬里伏櫪老  
驥空騰驤百花潭頭萬里橋終年天地長徊徨世上



空知詩興豪誰看赫赫忠肝腸寓情詩酒只餘迹遠  
志渺與雲相羊請君將我好東絹特寫葵心傾太陽  
孤臣百世老蓬蓽耿耿一飯思難忘天闥迢遞叫不  
聞曲江春風淚淋浪豈容區區摸外事但令俗士耽  
餘光高堂掛壁手摩挲半窗花影春晝長

題蘭亭帖後

王家筆法妙天下世上寫者徒紛紛縱橫屈曲鐵爲  
真規模秀爽生風雲龍蟠蛇走電生光照耀萬古驚  
凡羣當年多士會蘭亭四坐耿耿皆蘭薰流觴曲水  
暢幽悁山光倒影波沄沄吟詩時復發清談豈煩管



絃隨紅裙光風披拂轉清林瑟瑟翠竹聲堪聞春光  
暢發幽鳥鳴酒傾日斜時半醺揮毫一紙記行迹軒  
昂筆勢何翻飜分明劒戟倚長空掣斷虹霓開紫氛  
神分造化奪機權鬼伯破膽心如焚文詞字畫兩美  
俱至今郁郁垂清芬蓬頭養望一代人超然辨妄唯  
見君篇中一語破清虛豈獨筆陣排千軍陳迹悠悠  
俛仰間後人幾感瓊琚文

蔡仲吉求見吾詩集摘寫日錄中所付若干首  
題詩其上

去年夏月得貴稿二冊披前心眼明千奇萬寶何取



舍把筆欲寫難重輕遐方異味不可兼稻梁膾炙惟  
稱情神明舍記禹問辨雜說醉翁堂序并感春杜鵑  
慰光弼洞賓浪吟過洞庭漢武帝殺鉤弋論諫闢基  
與崔先生建立司馬齋二書及代人請給侍丁兩言  
其思勉養浩何以教我問丕承觀師一篇壽福歌贈  
金德器說縱橫山川不遠詩有跋詞列其間斯亦榮  
編成一卷十數篇重之不減瑤與瓊持行洛北時一  
閱八方豪俊傳相驚爭將紙筆書恐後一齋誦玩聲  
驚霆今看此卷尤絕竒妙感鬼神金玉聲中間最喜  
夜聞鷄盛唐大家誰弟兄君家克丁何許人亦與此



詩垂聲名蠅隨驥尾致千里柳家張進韓家星送元  
直賦屈宋列富麗恐是藍出青丁童唱歌更發越使  
人不得出聲鳴秋月揚明頌夢授贈尹士毅戲金城  
健之孝元諸作中鑽穴一詩殊可銘謹錄前編記論  
後朝暮觀之爲儀刑

詠海棠

美人政倚東風晚粧成露出臙脂紅纖枝輕動翠羅  
裾當軒一笑餘意濃芳心掩抑獨無處宛轉不忍依  
蒿蓬悵望佳期綵雲裏青鳥不來誰先容一朝君王  
選美色浩態應當傾六宮



竹宮

人間一別消息斷生死茫茫不相見  
花顏玉貌未入夢翡翠衾寒空輾轉  
凝神靜坐此宮裏造次分明舊時面  
依狀一笑忽相失悵望雲空飛淚濺  
當年故事儘荒忽勝會悠悠餘古殿

宛馬行

大宛國在崑崙西產出權奇以萬數  
騰驤磊落汗流血鳳臆龍鬣無與伍  
皇家所得最神駿迥立天門起風雨  
揚駿奮鬣踔高蹄顧影長鳴懷故土  
分明猛氣在兩眼九州何曾盈一覩  
微茫絕塞世莫識天子威



靈振區宇異質飄飄萬里來骨毛天成非化乳欣狀  
賜號以天馬御以王良隨造父瑤池王母或可逢海  
上三山雲霧聚周家八駿已可戒健步如飛何足取  
君王逸豫自有度省方觀民斯在古太宗謙謙却千  
里所寶惟賢是明主何人解進旅獒篇坐致帝德如  
周武

次將進酒韻

酒盈鍾興趣濃妖姬左右臙脂紅天長日永景致饒  
高樓巨閣回清風雲爲帷雷作鼓紫鸞笙雙鶴舞况  
又輕陰日未暮山西翠霧疑煙雨輕簾高捲紫霞間



君不見世上萬事皆塵土

馬伏波據鞍圖

將軍白髮老邊事壯氣雄姿龍虎盤紛紛交趾小兒  
女一掃何敢干威顏武陵蠻獠逞蠱毒出師亦自勞  
縣官生平馬革擬裹尸不爲老壯移心肝豺貅百萬  
請自行奮臂意氣何桓桓帝念年高厭遠役未許汗  
馬隨艱難臣援再拜敢不死被甲上馬臣能安軒朕  
據鞍御駉駉納納八荒盈一觀誰將小寇置牙齒百  
年怒髮衝高冠天顏微笑喜可用老子嬰鑠儘可看  
授兵出牧壯旗旄威靈赫赫橫乾端檀車直向五溪



前執手友人心欣鬱分明宿昔志不抒縱有九死吾  
非嘆男兒方寸有一鐵永托不朽始蓋棺終狀衆草  
穢孤芳蕙茲文犀生欺謾於焉天子未知已區區竟  
未明忠丹千年兩手撫丹青卒歲膂力誰爲殫

### 鴻門歌

蛟龍走陸虎磨牙千兵萬馬屯鴻門當時岌岌累卵  
危正賴良伯要爲婚居狀講解笑談間兩君好會開  
酒尊紛紛玉斗碎如雪坐中萬舞霜鉞翻天意由來  
助仁義肯使沐猴輸中原謀臣詭筭謾區區壯憤轉  
激將軍樊怒髮衝冠目眦裂語未發口氣已吞張公



留謝沛公去五載帝業垂千孫可憐亞父竟發背至  
今飲恨烏江魂

酒限

一自儀狄生於世麴蘖爲祟時已久今古茫茫千百  
載興敗莫不由於酒昔有陶公生晉世氣度皃皃無  
與偶獨能戒之不肯飲一循遺訓不違母惡棄旨酒  
遵夏禹沉酗厥德背商紂武昌諸吏雖勸飲飲有其  
限敢多又終日洋洋不就亂從容以禮能自守賢人  
達士豈不多如吾先生知罕有嗟彼世人何貿貿甘  
心外物如狗苟耽荒遊佚不知返敗家亡國十居九



本是狂藥非佳味苟或不戒或所誘惟有先生能自  
慎亡親遺約期不負名聲昭昭垂竹帛書生仰歎千  
載後

### 汨羅吊屈原

南方水闊炎氣凝瘴霧熏天風激波猿聲啾啾五更  
夜木葉當秋微脫柯孤臣掩袂不自聊枯形苦面長  
吟哦長楸望望不可見自向青天歌九歌重華千載  
逝已遠聯綿九疑空嵯峨天門九重鬱沉沉高丘隕  
涕雙滂沱瑤臺偃蹇鴟不媒二姚不許回雙蛾瓊茅  
椒糈亦徒爲顧瞻八荒終無他參差一曲洞庭浦帝



子不降愁云何桂枝青青倚延竚帶以杜蘅披薜蘿  
山高蔽日林冥冥俯看水石相眷磨淒淒泣夜漫  
漫美人窈窕隔山河愁腸百結知爲誰恐將沈痼遺  
扁和撫膺太息仰天日慘慘緒風吹鬢皓終年獨此  
守憑心悲憤鬱屈蟠龍蛇鳳鳥皇皇自無處羽翮飄  
零勢蹉跎甘心一死不足愛却任重石投黿鼉來者  
茫茫不可聞千秋萬歲寐無訛風波蕩漾恨不窮彭  
咸伍胥相經過春草萋萋日晼晚况復白露凋芰荷  
年年角黍飯一筒紅線嫋嫋沈成渦千年紫陽是子  
雲耿耿忠誠曾一科感慨一洗羣儒失赫狀義氣明



羲娥九泉究目應始瞑我今一吊情何多依山一廟  
托精靈枉木槎牙樹巖阿孤吟楚些慰飄零江水湛  
湛橫青莎誰將一尺吹毛劍斬此宇宙排忠病國諸  
姦邪

競渡詩

楚峽蒼蒼行雲絕龍愁水底風波怒瀟湘日晚草惱  
人客魂潛斷青楓樹輕舟爭掉汨羅潭旗翻船急排  
昏霧王孫已葬江魚腹冤魂暗訴神靈兩時時似聞  
澤畔吟精靈怳怳人驚寤儻見餘骸委重淵求之上  
下窮迴泝君來不見去不聞平野迢迢愁日暮桂樹



河東先生集卷之八  
團團江上山江夏漫漫阻郢路陽侯汎濫挾蘭橈蒼  
茫極浦橫經渡扣船長吟歌楚些角飯一箇通誠素  
湘靈鼓瑟舞馮夷蘋藻滿盤君不顧桂棹勤翻不憚  
勞舉首仰天時一籲如何忠鯁不容世坐令蕙質空  
顛仆悠悠波底結寤冤靈脩終未改前度六神茫茫  
志不抒可憐憤氣長凝沍愁煙掩夏雪凝冬祇今朝  
水常回互沅蘭漜芷自春秋白蘋只供詞人趣洞庭  
之波九疑山咸池曲斷重華墓定應神鬼護忠精挾  
上九天登瑤圃駢螭駕鳳鳴玉鑾一任八荒窮馳騖  
玉皇致之紫殿側飫見朝朝承雨露回看箕尾揖傳



說與從王喬同止住手援北斗撫彗星雷公兩師相  
依附咸池飲馬揔其轡直跨天津策騏驎不應顛泥  
墮蛟涎明月空捐淪寶璐荷衣蕙帶見髣髴飄飄雲  
際君誰駐霞旗委蛇日車轉願君一枉風塵步

滿江紅一闕贈洪太虛

曇

湖海風流洪太虛一年蹤跡聊命駕芹宮伴侶玉堂  
僚屬秋日虛簷仍半暖淡尊大嚼開瑤席更流傳麗  
藻借江山畱春色過里閨臨阡陌談往事聊終夕奈  
尊前見在鏡中非昔兩鬢雖慙煙樹綠雙眸不減寒  
潭碧幾梅花夜月每年年懷嘉客



河西先生全集卷之四











集西河

二



